

OFFICINNE
ET IARDIN DE

CHIRURGIE MILITAIRE
CONTENANT LES INSTRUMENTZ ET
plantes tres necessaires a tous Chirugiens avec
certains catalogues des ingrediens propres à
chacun membre tant similaires qu'organiques.

*Dedié à haut & puissant seigneur M. François Gouffier,
sieur de Creneœur Chevalier des deux ordres du Roy &c.*

Plus vn traicté des contrepoisons & cure de la Pes-
te & declaration d'un Enigme le tout experimen-
té & mis en lumiere pour l'utilité du public.

Par Esaie le Lienre Chirurgien.



A PARIS.

Chez Robert Coulombel rue saint Iean de
Latran, a l'enseigne d'Alde.

1583.

Avec privilege du Roy.



Extrait du priuilege du Roy.

Le Roy a permis & permet à Robert Coulóbel Libraire, en l'vniuersité de Paris, imprimer & exposer en vente vn liure intitulé. *Officine & iardin de Chirurgie militaire, &c.*

Et sont faiçtes inhibitions & deffences à tous Imprimeurs Libraires & autres, de n'imprimer ou faire imprimer, vendre ou distribuer au Royaume, pays terres & seigneuries dudit seigneur. ledit liure, sy ce n'est de ceux que ledit Coulombel aura faiçt imprimer. Et ce pour le temps & terme de six ans concecutifz: a commencer du iour que ledit liure sera paracheué d'imprimer sur peine de confiscation d'iceux liures tous despens dommages & interest & de mille liures d'amande ainsi qu'il est pl^{us} a plain contenu audit priuilege donné à Paris le dernier Octobre. 1582. & de nostre regne le neufuiesme scellé du grand seël &c.

Signé Poussépin.

2
A HAVT ET PVISSANT

SEIGNEVR FRANÇOIS

GOVFFIER, SIEVR DE CREVECOEUR

& de Boniuet Cheualier des deux ordres

du Roy, son Conseiller d'estat & priué

Conseil, Lieutenant general pour sa

maiesté en ses pays de Picardye, &

terres de nouuelles conquestes

Capitaine de cent hommes

d'armes de ses or-

donnances.

*Esaye le Lieure son seruiteur,
treshumble, S.*



L n'est de besoing (mon-
sieur) de me soucier d'icy en
auāt a qui ie dois dedier ce
petit discours. Car outre les
singulātez meritoires qui sont dignes
d'vn plus riche presēt que cestui cy, illy a
deux poinctz principallemēt qui demā-
dēt cōme de leurs droictz la dedication
& le consacrer de ce mien petit labeur.
Car quād ie voy qu'vn Tagaut l'hōneur

des medecins & chirurgiens de son tēps
sans craindre, & hardiment appuyé d'v-
ne certaine esperance, a dedié ses cinq
liures de chirurgie au Roy François pre-
mier de ce nom, vray nourricier & ap-
puy des bōnes lettres, pour raison qu'il
voyoit, que ce Roy au milieu ou apres
ses repas, la ou la matiere tomboit
de la chirurgie, prenoit plaisir non seul-
lement a escouter gens versez & experi-
mentez en ceste science, mais la traictoit
mesme non moins autrement que ce-
luy qui auoit employé tout son temps
en l'exercice d'icelle. Je suis donc fort
bien fondé de raison, quand ie vous pre-
fere & choisis entre les chefs d'armes de
toute la france, tant pource que non seu-
lemēt vous ne laissez passer vn seul mo-
ment de temps sans pēser ou faire cho-
ses qui ne soient dignes d'vn bon & bien
necessaire superieur en l'art militaire,

mais aussi que vous aymez tant la chirurgie, que vostre desir & plaisir louable, ne se contente point de s'arrester pour la cognoistre en sa propre & diuine teorye. Mais vo' ne desdaignez mesmes dy employer vos mains a la pratique au grand soulagement des blesez & indigens & honneur de la patrie & troupe fauorisee de tel heur, laquelle ne scauroit moins auourd'huy que de vous reuerer & remercier de telles oeures honnestes & charités humaines, & aussi de la diligence & soing que vous prenez pour la garder en tout repos & tranquillité. Car si ce grand personnage vostre ancestre Boniuet, Lieutenant general & Admiral de France, a receu gloire perpetuelle pour les fideses seruices faictz au Roy & a la republicque, s'estant honnorablement acquité de toutes les charges tant deça que dela les montz,

combien (Monsieur) deuons nous plus
estimer de vous, d'auoir adiousté a la
prouesse des armes l'excellence des sci-
ēces, tellement qu'en ayāt receu les mar-
ques & vertuz de vostre ayeul, avec les
perfections & singularitez de ce grand
& excellent Roy, l'on voit Mars planté
en vostre cœur & Minerue se proume-
ner en vostre cerueau. Ce me sera donc
pour recompense plus que suffisante, si a
l'exemple de ce docte medecin & chi-
rurgien Taguaut, ie vous entretiens en
vostre deuotiō si sainte & louable. Car
tout ainsi que la dedication de ses cinq
liures a causé vne vouldontè audict feu
Roy Frāçois d'eriger & establir des Le-
cteurs en chirurgie, pour tousiours con-
tinuer l'exercice des bonnes sciences, au
contentement de tous gens de bien &
& de scauoir, & a l'augmentation du
bien de son Royaume: aussi Monsieur,

i'espere que l'offre & oblation de ce petit labeur fera que l'ancienne & vraye chirurgie, qui a esté brouillée & adulterée par la malice & auarice humaine, s'esclaircira pour le moins en Picardie, souz la cōduicte de vostre esprit, & souz le pouuoir de voz ardans desirs. Dauantage si le pais nous attire a l'aymer pour les douceurs que nous y trouuons, cōment pourrions nous iouyr d'icelles, sans estre maintēnuz par vn homme de bien du fruiet de l'esperance que nous en attendons? Qui est ce dōc qui ne m'auouera que ce discours disposé pour le profit du commun, ne soit pour gage du deuoir de l'amitie & honneur que vous doibs porter, en recompense de la peine que vo' auez a preuenir que ce lieu qui m'a veu n'aistre, & m'a nourry venu au mōde, ne soit altere aucunement en son repos & tranquillite, par les accidens qui

suruienneut de l'inconstance des choses
humaines? Receuez donc, Monsieur, ce
mien petit labeur d'aussi bon cœur que
ie vous offre la premiere despouille de
noz labeurs: comme faict le pauvre rus-
tique, qui se donne de garde d'oublier à
porter les premiers fruietz sur les autelz
pour rēdre selon son pouuoir les Dieux
a luy propices a multiplier ses champs.
Ce que i'espere faire & continuer, moy-
ennant la grace de Dieu au prouffit de
la Republicque.

Gabriel Gauguer Chirurgien.

*Heureux qui peut malgré chiens & leuriens,
Suivre le trac de ce lieure delphique:
Heureux deux fois, Chirurgiens & guerriers,
Qui de leurs mains, soutiendront sa boutique.*

Sonnet par Maistre Robert Diré.

Le lieure delicat, l'honneur des chairs des bois:
Le domicilier des forests, & garennes:
L'auancoureur des champs, des mons, des vaux d'arenes
Le plaisir des seigneurs nourriture des Roys:

Donne plaisir profit, santé, & quelquefois
Nous fait veoir, le suyuant aux courses De liennes,
Les sacrees vertus, & esculapiennes,
Du sœillage caché aux ombrageux endroietz,
Voy ce lieure deux fois, plus que lieure champestre
Comme il plaist profitant, & nous faict aparoistre
Les plus rares vertus, le suinant pour l'auoir
Comme il est enseignant, les herbes plus diuines,
Le confort des soldatz, l'appuy des Cappitaines,
De son genre l'honneur, boutique de sçauoir.

Sonnet de Maistre Iean Gaudier.

Arreste toy Lecteur, qui desire sçauoir,
Et ton ame abreuer, de celestes liqueurs:
Il ne t'est plus besoing, par vagabons erreurs
Cà & là discourant, tant de peinnes auoir.

Icy tu pourras voir, d'un lieure le deuoir:
Qui trop mieux enrichy, de ses diuins honneurs,
Qu'Espaigne de son or, Perse de ses odeurs,
Sert a tous d'un signal, de son sens & pouuoir.

Car l'ignorance a coup, compagne de l'audace.
D'un pied prompt & leger, rudement atterrasse,
Par c'est œuure anobly, de mille & mille fleurs,
De cent perles aussi, de cent & cent ioyaux
Qu'il met deuant tes yeux, plus clairs que les flambeaux
Que prendras si tu veux, de diuerses couleurs.

Au Lecteur.



MAmais l'homme tant fut il ingeni-
eux & admirable, tât par diligence
& estude, que par operation de ses
mains, n'a peu paruenir iusques la,
de pouuoir suiure & imiter nature,
(la maistresse ouuriere) en ses acti-
ons, & principalement en la premiere, qui est la
generation: tant pource que **DIEU** ne luy a voulu
communiquer ce don & grace, craignant son orgu-
eil, qui tousiours tend a s'aduancer trop plus qu'il ne
luy appartient: qu'aussi pour la legereté & subtilité
des elemens, qui luy eschapperoiēt des mains a tous
coups qu'il les voudroit palper, mesler, & incorpo-
rer ensemble. Dauantage la main de l'homme qui
est temperee, ne pourroit souffrir ny endurer la su-
preme qualité des elemens : comme la grande
chaleur du feu, ny la froidure de l'eau, avec l'humidi-
té de l'air. Ioinct aussi, pour raison de son iugemēt
qui est aluordy par la communicauon qu'il a avec
ceste masse terrienne, ne pourroit prendre ne choi-
sir telz elemens qui sont necessaires a la compositiō
premiere. Ce neantmoins l'homme qui est le plus
ardant & insatiable en ses desirs sur toutes creatures
n'a voulu perdre le cœur pour ceste foiblesse, qui
estoit assez suffisante pour le desgouter ou bien l'ar-
rester du tout sans qu'il pent marcher plus outre.
Mais poussé de la viuacité de son esprit insatiable,
a tant faict, qu'en la fin de son labeur il a eu l'ad-
uantage sur nature, la pouuant reformer & aman-

der en ses ouurages imparfaitz : ou il besongne si dextrement, avec l'industrie de ses mains, que quasi nature luy a quitté l'honneur de tout l'ouurage acheué, pour le beau racoustrement qui est trop plus a louer & priser que n'estoit la premiere matiere deformee & imparfaicte. Tellement que cest ingenieur & prôpt ouurier, combien qu'il n'ait point la puissance de cōposer la premiere matiere comme chose a luy impossible, toutesfois quand il est question de corriger amender & entretenir en leurs estas ses seconds ouurages, il se porte si gaillardement, que sans y mettre la main & son esprit, demeureroit quasi comme inutile. Comme nous voyons Telephus qui demeuroit inutile sans l'ayde du chirurgiẽ. Mesmes nous voyons que nature est contrainte de demander l'ayde & secours des mains de son aprentif, pour se soulager & euader les perilz & accidens ou elle se voit tombee assez souuent, ne pouuant de toute sa force les corrompre & estaindre : comme nous voyons aux dislocations, gangrenes, sphacelles, & mordifications des membres: & non seulement cela aduient en la medecine & chirurgie, pour lesquelles nature confesse estre vaincue de son escolier & seruiteur: mais aussi pareillement en l'alchimye, architecture, & autres artz excellẽs, lesquels anoblissent & enrichissent les œuures de nature. Et qu'il ne soit ainsi, considerons vn petit quelz sont les metaux, les pierres precieuses, & autres pierres tirees des montaignes & carrieres; les bois, & autres matieres seruans a la sculpture, Architecture, massonnerie & edifices que l'on voit erriger & establir par l'indus-

trye des hommes, auant qu'ilz soient disposez, taillez & assis par iceux, & touteffois quād ce petit corps de six piedz (tout au plus) y met la main & son esprit, il rend l'œuvre tant admirable, que nature s'en esmerueille, ne pensant iamais telles choses si viles & abiectes, pouuoir recepuoir si beau racoustremēt qu'elles reçoient par l'esprit de celuy qui pourroit faire vne autre machine ronde & mondaine, sil trouuoit lieux & matiere comme dit Archimedes. Consideres donc maintenant (ami lecteur) si vn Phidias, vn Policletus, vn Protagenes, vn Apelles ont remply la bouche de tout le monde de leurs louanges seulement pour le pouuoir qu'ilz ont eu d'auoir contrefaict l'homme au nayf, en matieres mortes & insensibles: qu'elle recompense meritent les medecins & chirurgiens de leurs labours inestimables? lesquels ouurages ne sont point images sans ames & sentiment, comme celles desquelz la memoire touteffois est autant fresche & recente comme si elle estoit de deux iours: mais sont vrayes reintegrations de membres alterez & corrompus, manifeste & euidente restauratiō des parties inanies & quasi perdues: qui plus est correction des membres imparfaictz en leur premiere & imparfaicte nature. Leur pourrois tu (ami lecteur) donner assez de louanges & recompense de telz œuvres, & les contenter de la benediction de la bouche, pour le bon desir dont ilz sont affectionnez enuers le public, Touteffois il faut maintenant qu'a grand regret ie despire en ce lieu l'ingratitude & turpitude des hommes de ce siecle: lesquels non contents de leurs vouloir desre-

ber le tiltre de leurs excelléce, tafchent aujourd'huy
fa noblefse àneantir & offufquer du tout, les laiffans
fur leurs raisons. Tout cela ne peut diminuer & a-
moindtir le defir & affection que i'ay a mon estat,
m'apuyant fur l'vtilité & neceffité d'icelluy. Car
quâd aupremier poinct, vn chacun m'aduouëra, que
toutes incommoditez font incomparables a la fanté
& côme dict l'adage ordinaire, il n'est trefor pareil.
Or est il que non feullement la chirurgie est gardië-
ne & conseruatifue d'icelle, mais la restitue en ses de
faux, qui fouuent arriuent, & quasi a vn chacun lors
que par quelque defastre ou fortune les Republic-
ques ou assemblees se trouueront vexees de quel-
ques sinistres accidens, comme de peste, charbons
& plusieurs autres especes de tumeurs: quelques-
fois auffi de picqueure & de morsure de bestes vene-
neufes & enragees, & plusieurs autres blesseures,
qui arriuent fortuitemēt. Et le cas aduenant qu'il ne
se trouuaft homme propre & disposé pour y don-
ner secours & restituant la fanté premiere, certaine-
ment il faudroit confesser que l'incommodité seroit
grande en telz lieux: le secours & remede bien ex-
ecuté & praticqué causera au contraire vtilité sur-
montant toutes autres, soit marchandise, & tout au-
tre mestier, & pour toucher le point de la neceffité
ceux qui ont confideré lestat des republicques, sca-
uent fort bien, que le moyen d'agrandir augmenter
maintenir & conseruer vne monarchie, despend de
l'establissement des loix & ordonnances politiques
pour maintenir & cōseruer tant l'economie general-
le, qu'vn chacun enson particulier: en punissant au

fi le vice & forfaiét, par chafiment raifonnable, afin de le feparer & eflongner arriere de la focieté: ou bien du maniemēt des armes, tant pour affaillir, que pour deffendre contre l'outrage & efforcement des ennemis, qui ambicieux des cōmodités de leurs voifins, tafchent par violence de s'emparer des terres & biens par eux poffedez. Or eft il que le royaume de France quafi de tous temps a eſté des plus florifans & remply de benefices, cōmodités, que Royau- me qui ſe puiſſe trouuer en toutes les regions du mô- de: qui a ceſte cauſe, s'eſt veu enuié & affailli qua- ſi de tous temps, & par diuerſes nations: aſçauoir, par les Romains: tantost par les Goſtz: quelque- fois par les Eſpagnolz: par les Normans qui ſont au iourd'huy annexés & reduicts a la couronne, & en autre temps par les Anglois: puis par les Bourgui- gnons, des Flamens, & bas Germain: maintenant, & depuis vingt ans, en la male heure le fer de ſa lāce s'eſt tourné contre ſa propre poictrine, & aux deſ- pens de pluſieurs a faiét ruiſſeler le ſang de la plus grande partie de ſes membres.

C'eſt pourquoy la neceſſité a tellement gaigné le deſſus, que contre l'effort & malgré toutes inuen- tions d'armes offenſiues & deſſenſiues, elle a eſtably & mis ſus la chirurgie, laquelle s'eſt efforcee & s'ef- force de iour en iour, de s'oppoſer & repugner contre la furie & impetuoſité des machines inuentees pour la ruine de l'homme. Auſſy pluſieurs excellēs perſonnages ont fort bien eſtimé la neceſſité eſtre inere de toutes inuentions. Qui eſt donc celluy qui ne confeſſera la chirurgie eſtre tresneceſſaire en tou-

tes Republicques & principalement aux troupes
& assemblees millitaires, ou le plus souuent il faut
qu'elle face ouuerture de ses plus rares tresors, pour
despartir de ses benefices & richesses aux pauvres
souffreteux qui ne peuuent auoir recours ni attente
que d'elle. Voila les principales occasions qui m'ot
esmeu de prendre la plume : tant aussi pour m'ac-
quiter du deuoir de mon estat, en donnant exercice
& voye aux ieunes estudians & inciter les autres a
mieux faire, que pour monstrier le zele & affection
que i'ay a l'vtilité & soulagement de ceux qui ont
pris les armes en main, pour la tution & deffence
de nostre patrie & seruice fidele de nostre Roy: pour
lesquelz i'ay dressé ce petit traicté, contenant vne
boutique de chirurgie millitaire trop plus que ne-
cessaire a ceux qui font profession dudit estat de
chirurgie aux troupes & armées tant celles des
campagnes que celles qui se font par nauigations:
Ou ie feray demonstration de ce qu'il faut, pour a-
tendre d'vne stabilité & assurance le chocq des ac-
cidens qui arriuent iournelement ausdites troupes
à celle fin de les rambarer & surmonter par vn arti-
fice gaillard, prouenant des effectz des choses crées,
moyennant vne adiunction : toutesfois d'vn iu-
gement bien versé, aux choses appartenantes a l'art,
côme nous auons ià monstrier : & prie d'estre excusé
en c'est endroit, si ie suis veu imbecille en inuention
& stile: & que tout soit remis sur l'affection que
i'ay au public: chose que i'espere, moyennant la gra-
ce de Dieu faire mieux paroistre par autres œuvres.

F I N.

Sonnet de Hector Abraham.

Qui veut voir d'Apalon le cabinet ouuert;
Et les champs tapissez, de l'egipte seconde:
Qui des prez & palus, & riuieres profondes
Vult le riuage voir, de saïlles reconuert.

Qui de l'aspre rocher, & du tönffu desert
Des espesses forestz, ou le saïllage abonde,
Vult voir ce que produit, nature ou tout redinde,
Et que contre noz maux, elle nous a offert.

Qui desire de voir ce qui plus d'energie
Donne a l'obseruateur, de l'art de chirurgie
Enrichissant sa main, au proffit du blessé.
Brief qui veut du venin, cognoistre l'aduersaire,
Et du meurdrier canon, le remede contraire:
Ce discours tient des Grecs, vn tresor delaisé,

De Nicolas Abraham.

Toy qui par trop craintif, ose bien entreprendre
Soubz l'umbrage marcher du guidon martial:
Toy qui pour auoir sceu, comme le chocq faict mal
N'ose l'armet porter, pour le pais deffendre:

Venez icy tous deux, pour cognoistre & apprendre
Les remedes sacrez, du grand Dieu liberal:
Assin que l'un constant, de sa foy soit loial:
L'autre couart soit veu les armes en main prendre.

Ce Lieure a qui les Dieux ont donné ce bon heur
D'assoupir ce qui cause a l'homme vne langueur,
Par l'excellent tresor, de sa riche boutique,
Donne contre les maux par Pandore semés,
Mille secretz diuins, dont ilz sont consummez
Choisis du plus parfaict, de la grecque pratique.

Discours



DISCOURS SUR LES HAR-
QUEBUZADES.



Je ne puis passer soubz silence, a la descharge de ma conscience, & a l'acquit du deu a la Republicque, l'experience que j'ay faicte a la pratique & exercice des playes faictes par harquebuzades & autres batons a feu: pource que maintenant c'est la principale besongne des Chirurgiens qui suivent les armes: Et principalement aussi pour la grande dispute & altercation qui est nee touchât telle matiere entre ges de grand sçavoir, & nô de moindre experience. Mais affin qu'il ne semble point que ie veuille espouser plustost l'une des parties que l'autre, ie me suis delibere de dire brievement, & en ma conscience, ce que i'en cognois & ay praticqué heureusement. Et diray fidellement que ie n'ay point cognu les suppuratitz humides vinctueux & oleagineux doner grand profit, ny amener la playe a telle intention que ie conceuois: Aussi j'ay trouue que le succes estoit beaucoup plus heureux, & l'issue mieux a mon advantage, de cheminer par la grande chaussee fort beau chemin & droict qu'enseigne Hipocrates tout au commencement de son liure des vulceres, ou il dit,

B

que le sec est plus proche de santé que l'humide. Loinct la sentence d'Aristote au quatriesme des me-
theores, qui dict que toute putrefaction au com-
mécemēt deuiēt humide plaine de sanie, pour se ter-
miner a la fin & se resouldre en pouldre, considerāt
aussi que ce qui se faict de soy mesme au preiudice
interest de nature, ne doit estre aydē secouru ne cō-
duict par le medecin, mais au contraire empeschē.
Et que les harquebuzades sont par accidens trop pl^e
humides rendāt plus de sanie & bone que autres pla-
yes. Je suis entrē en iugement, & me suis du tout ar-
restē sans m'elloigner de raison & experience, que
telles playes sont methodiquement curees par l'v-
sage des medicamens de facultē dessicative, selon
toutesfois plus ou moins resistant & prohibant la
putrefaction, en confortant & corroborant la partie
blessee, reuoquant les esprits, sans toutesfois em-
pescher la suppuration ou boue: Comme est le vin,
leau de vye rectifiee, le miel & la terebentine, &
son huile, l'huile de mirrhe, & autres, tant simples
que composees desquelles, ie feray description suy-
uant l'ordre. Peu sert de dire que selon ce qu'a dict
Hypocrat, toute contusion se doit supputer prom-
tement. Car ledit sauant personnage qui n'a poinct
faillly la ny ailleurs, a entendu (a mon aduis) aux
membres & parties ou reluisent encors les espritz
& que l'idée de nature n'est point offencēe. Mais
quād ie diray qu'aux harquebuzades, les espritz en
general sont retirez des parties broyees mutilees, &
traquailees de l'impetuosité de ceste fouldre avec a-
bolissement de la nature en son impression & ydee,
ie ne penserois point faillir. Car quand ie considere

en moy meſme tout ce qui eſt a reſpecter, comme le mouuement indicible du coup porté, L'action extreſme de la balle ſortie d'un tel inſtrument, Je m'aſſeure que iamais Hypocrat, ny ceux qui l'ôt ſuiuy (ſinon du depuis l'inuention) n'ont iamais veu ni cognu telle contuſion. I'accorde que Iuy & Celfus ayent parlé de quelque contuſion faiſte de plôbees mais ie ne croiray iamais quelles fuſſent telles quâd a la viteſſe qui pourroit imaginer qu'un boulet peut paſſer au trauers d'une baniere ou eſcuſſon tournant a tous vens au deſſus d'un edifice, ſans le faire aucunemēt mouuoir ou bouger, n'eſt ce point ſurprêdre la choſe d'une merueilleuſe viteſſe & celerité; de l'action elle eſt ſupernaturelle, qu'un corps de plomb ſi petit face effort & briſe un autre corps mille fois plus dur: Comme rompre & perſer une cuyraſſe ou corcelet: paſſer outre un croutax ou piece de bois d'un demy pied d'eſſeur: eſclater les cailloux & autres pietres de taille, delaiſſant toutes ces conſiderations ſuyuant la methode nous arreſterons (ſ'il plait a tous bons cerueaux) que tout ainſi que toutes playes contuſes doiuent eſtre ſuppurees, deuant que pouuoir rataindre la ſuſtitution de nouuelles matieres perdues en la glutination requiſe, par meſme raiſon, pour prohiber & repugner a la trop abondate humidité, cōme il ſe trouue meſme aux playes des harquebuzes, les ſuppuratifz doiuent eſtre modes & cōpoſez de facultez deſſicatiues & deterſiues, moyenât toutesſois & ſelon plus ou moins de dire que telz medicamēs aſſauoir les deterſifz & deſicatifz telz que no^s vſons, ne procureroiēt point l'intention pretendue, & qu'au contraire ilz empeche

la suppuration, ce sont fadaizes & petites propositions scolasticques: la pratique & experience en fait cognoistre la verité. Je scay bien qu'il y a des corps de telle temperature ou il est malaisé de supurer les playes, autres se trouuent qui ont les parties similaires fort aysees a cōglutiner: aucune aussi ont leurs playes facilement incarnées & peu subiectes a excremens: au contraire quelque dessication & empeschement qu'on face sur aucuns, il ne s'engendre que trop de fardige ou boue. Ce pendant il ne faut faire d'un particulier un general, selon la rencontre il faut s'accommoder. Or ie puis assurer, comme ie l'ay souuentefois pratiqué au contètement des passiens, que le Chirurgiē qui voudra suivre le chemin que ie luy prepare, sortira heureux de ses actions. Voullōs neantmoins qu'il soit aduisé en ses ceuures & le voulons charger d'une preuoyance & consideration telle qu'il est requis a un bon & songneux pere de famille: lequel ne se fie poinct seulement aux bonnes mines & pipees de ses seruiteurs en sa presēce, mais a esgard a ce que luy peut aduenir en son absence, par la suptilité & monopole de ses domestiques. Nous le voulons donc douer d'un œil au milieu du front pareil au grād Polipheme, lequel en vertu & vigueur surmōte les cent d'Argus, pour estre meilleur gardien de la vache, yo: & affin aussi qu'il ne soit tropé & desceu selō qu'en aduertit aussi Hipocrate en son aphorisme. Principalemēt qu'il ayt l'œil au dedans, & qu'il cognoisse quelle disposition il y a. Car tousiours a esté nostre intention que le Chirurgien ayt la cognoissance, & l'œil bien

entendu aux choses naturelles, non naturelles, & contre nature: aussi le veussent tous les anciens: & sommes la arrestez, ne pouuans espouser autre opinion, sans iniquemēt & contre ma conscience me rendre opposite de verité, qui est, que tout ainsi que l'on à pratiqué anciennement la medecine indiuisée, comme le corps humain est ausi indiuisé, il ne la faut maintenant, faisant vng deshonneur a nos anciens & a nous, la diuiser en tant de parties. Ainsi nous prions affectueusement que le chirurgien qui se contēte seullemēt de son boistyer avec son estuy, se reculle de nous: car ce n'est pour eux que ce discours est fait: mais bien pour les laborieux, qui ont ce iugemēt que toute la vertu qui est dispersée aux parties de dehors, viēt de leconomie interieure. Partāt, supposant vn bon metodicq: therapeuticien qui n'oublie rien de necessaire a la cōseruation & restitution de santé, il ne nous est besoing de nous arrester a traicter de la dyette ou reigle de viure, des purgatiōs & euacuatiōs de la restitutiō du tēperamēt des humeurs & parties interieures, la restauration & desopilatiō des viscères ny de la rectificatiō du sãg ains nous nous cōtēterons de seullemēt parler de ce qui appartient aux playes, entant que playe. Produisant donc nostre subiect, nous disons l'harquebuzade ou playe faicte par harquebuze ou canon; estre vne affection contre nature, portant de soy plusieurs especes d'accidens: a sçauoir extreme conrusion, combustion, diruption, dilaceratiō, concution, fraction, frâcation, puis repercution, aboli-tions, destructions, extinctions, ou mortifications,

a froissure
brullement
diruption
concution
fraction, ou
frâcation
a mortification
a destruction
a extinction

selon plus ou moins, des espritz tant vitaux, animaux, que naturelz: de laquelle complication assemblée, selon la nature & noblesse des parties offensées, se forme vne indisposition tendant a rendre ladite partie, consequemment tout le subiect en cadauer. Et a bon droit nous disons extreme contusion: car ceux qui ont prins garde & experimēté l'effect du canō; confesseront qu'entre toutes les cōtusions qui peuvēt estre faictes par l'artifice & force de l'homme, il ne s'en peult trouuer vne, comme desjà nous auons dict qui puisse equiualler a icelle: d'autant que non seulement elle agit en mutillant ou meurdrissant les parties similaires: mais tout ainsi que le vent impetueux & vehementement soufflé contre vn flambeau, estainct sa flambe ou lueur: ainsi la vie les espritz qui sont espandus & dispersez pour viuifier chacune partie, sont suffoqués abollis & extainctz, par l'impetuosité & foudre de la cōtusion, prouenant du canon ou harquebuze. C'est pourquoy, il faut de necessité, que celuy qui veut atterir la praticque des playes d'harquebuze, soit soigneux: & ait le iugement dressé droict a toutes ces choses: affin de repugner au peril, en rembarrant ceste pernicieuse indisposition qui est cause de la difficulté. Maintenant pour satisfaire a nostre intention; & mōstrer l'ordre de traicter les harquebuzades, pource que selon l'ordre de praticque de chirurgie, la premiere intention du chirurgien consiste. Premièrement, en l'ablation des choses estranges a nature, il est expedient de commencer par l'execution de la susdite intention: & cecy aura lieu non seulement

aux playes faictes par harquebuzes & pistolles, mais aussi en toutes autres, ou se trouuera corps ou matieres estranges comme balles, fers de fleches dariz, garroiz d'arbalestres, bouz despees, de dagues de cousteaux rompuz: eclats de lances, de picques, dartz & autres esclaz qui peuuent bondir & fallir par quelques impetueuses & vehementes concutions de canons ou artilleries: sans oublier aussi les pieces des habillemens lesquelz, quelquefois sont poussees au profod des playes, comme pieces de harnois, drap, layne, cotton, bourre, linge & autres choses molles qui bien souuent trompent & decoiuent les chirurgiens qui ne sen donent de garde, apres qu'ilz ont tire les balles & choses dures: car telles choses molles come bourre, layne, cotton, drap, & autre negligees, & delaissees sont causes d'inciter douleur, inflammation & putrefaction: & quelquefois aussi de corrompre, & mortifier la partie. Parquoy le chirurgien ne les mettra en negligence, ains sera curieux de les separer & oster le plus doucement & ingenieusement que faire se pourra: se donnant bien de garde de poindre ou picquer les parties similaires, comme les nerfz, tandon, vaines, & arteres: Pource que par la ponction de telles parties. On est cause de retraction, spasme, conuulsions, inflammations, emorragies, paralysies, & autres facheux accidens. Par ainsi donc le chirurgien commençant son oeuvre, prendra indication de la matiere & occasion de la playe: comme de quel instrument elle aura esté faicte: puis

considerant la situation de la playe, sa figure, la circonference de la partie blessée, iugera tant par le sens de la veue, que par le toucher & taster, si aucune chose estrange est contenue & reueruee en la partie : ce qu'il cognoistra en partie par la consideration de la ligne, & sortie du coup qui doit estre en la partie opposite de l'entree : partie aussi par la sonde qui se fera avec les doitz de la main si possible est pour le plus seur, ou par instrumentz conuenables, sans obmettre de faire sitner le patiër, s'il est possible, ainsi qu'il estoit lors qu'il receut le coup : ce faict faudra aduiser si l'orifice de la playe est suffisant & ample pour faire ablation des matieres estranges : & ou il se trouueroit qu'elles feussēt trop angustes ou petites, faudra les amplifier & ouurir, prenant indication de sa partie, en euitant (cōme nous auons ja dit) sur toutes choses les instrumens similaires, principalement les nerfz, & les grands vaisseaux : en obseruant aussi la disposition des fillamēs des muscles. & ou aduiedroict que lon ne pourroit faire incisiō, sans faire lesion a quel que instrument, il ne faudra laisser de ce faire avec modestie pource que il vaut mieux perdre l'action de quelque particule, que la totalitē d'un membre, ou tout le corps, selon l'opinion des rationnelz. Il faut en apres considerer si les matieres estranges pourrōt estre cōmodement tirées par leurs enrees : ou bien, s'il sera plus expedient de faire contre-ouverture en la partie opposite, & extremitē du corps. Dauantage il faut prendre garde que quelque trōbus, ou sang caillé ne soit reserué & arresté en quel

que cavit  , ou espace vuide des muscles. Et ou il en aduindroit a raison que le sang forti de ses vaisseaux est subiect a corruption il s'ensuiuroit inflammatio  , apostumes, & autres diuers & facheux accidens: partant le faudra faire sortir & escouller par toutes voyes, soit par l'orifice de la playe, ou par incision faicte expres. Par ainsi il est de necessit   au chirurgien qui veut faire profession de son art, & principalement celluy qui veut suiure les troupes militaires d'estre garny de plusieurs & diuers engins, ou instrumens, pour avec dext  rit   & facilit   ex  cuter & accomplir ses intentions. Et partant suiuant la fa  on de faire de plusieurs, n  mement de Guid  , de Galliac, lequel en s   chapistre singulier a dem  str   aux chirurgi  s partie des principaux instrum  s de quoy ilz doiuent estre garniz: nous fondant aussi sur les raisons que nous auons dessus allegu  es, nous au  s sur la fin de nostre traict   reserue la descriptio  , portraictz, & figures des instrumens plus necessaires a l'ex  cution de la chirurgie. Ayant donc d  s le commencement (si besoin est) amplifi   la playe & ost   les choses estranges, s'il est question d'emorragie, ou flux de sang, faudra y remedier par toutes voyes, obseruant ce qui est requis a tel effect. Je ne m'arrest  ray ici a discourir sur telle chose d'autant que ce ne seroit que remplir le papier de matieres qui ont est   assez amplement descriptes par nos antecesseurs: sinon que ie diray en passant pour ceux qui ne sont pas beaucoup exercez a telz affaires, que lors quil y a incommodit  , & qu'on ne veut appliquer des cauter  s actuelz ou des medicamens escarrotiques,

les coquilles de noix, ou de lymace, ou bien des acetabules, ou cottilles creux & appropriiez selon la grandeur & figure des playes, se trouuent merueilleusement fort cōmodes a tel effect: d'aultāt qu'outre ce que par l'ayde des medicamens reſtraintifz, dont elles doibuent eſtre plus qu'a demy rēplies, elles ſont cauſes de figer & cōgeller le ſang ſur la bouche de la playe, ſeruāt puis après de remedes pour eſtācher l'autre, que par le mōyen de leurs bordures, elles cōpriment & ſont ſi bonne obſtruction en cōtrefaiſant la vantoze, que le ſang ne peut trouuer lieu pour eſchaper: partāt on ſe peut accōmoder en induiſant le mēbre en ſa partie ſupperieure avec linges, cōpreſſes, & bandes garnies & imbues de medicamens propres a prohiber la fluxion, & corrobore la partie, cōme ſont nos deſſenſifz, oxicat, oxirodinum, autres medicamēts, dont nous faiſons deſcription. En euitant auſſi ſur toutes choſes les eſtraintes & ligatures trop ſerrées: Pource qu'elles ſont cauſes d'ēpeſcher la cōmunication des eſpritz enuoyés des parties principales, & de ſuffoquer & eſtindre la chaleur naturelle du mēbre bleſſé. Je ne veux obmeētre ici vne diſtinctiō qui doit eſtre obſeruée aux premiers appareilz: pource qu'il ſe faut bien dōner de garde de pratiquer indifferenmēt l'vſage des repercuſifz & aſtringēs principalemēt au corps innani, debile & de tēperamēt froid, & ceux auſſi qui auroiēt leurs mēbres bleſſés auparavant quaſi eſtropiés. ou debilités pour quelques cauſes, cōme ayans deſiā eſté autreſois bleſſé, & n'aiāt encores recouuert leurs forces & tēpera-

ment. Car en tel cas au lieu d'vser de reperculifz froids & astringens, faudra roborer la partie & reuocquer la chaleur naturelle en restituant le temperament: & ou il seroit besoing d'astraindre, de cōseruer & reuocquer, ensemble la chaleur, il faudra auoir recours aux medicamens ayans faculté stiptique, & calefactiue, comme ceux que nous dirōs cy apres. Supposé donc que l'emoragic ou flux de sang soit cessé, ou qu'il n'y ait danger au cōmencement, faudra dès le premier appareil garnir la plaie de terebentine bien claire & fondue, ou bien son huile distillée par le baing, ou de vin miellé, ou autres baulmes ou liqueurs commodēs a telles plaies cōme celles desquelles nous vōs en tel fait desquelz ferons description montrant le moien de les composer sur la fin de nostre discours.

La plaie ainsi accommodée pour le regard du membre ou reste de la partie blessée, fault cōsiderer deux choses: sçauoir empescher l'inflammatio & mortification, aider le membre en subuenant a la contusion: pource le premier chef faut prendre indication de la temperature & disposition du subiect, de l'aage: du sexe: dauantage, si a l'heure de la blessure il estoit rempli de vin ou autrement. Outre plus faut considerer le temps ou saison; ce fait si on voit qu'il y ayt danger d'inflammatio faut auoir recours aux deffensifz, & d'iceux en induire & garnir le membre en sa partie superieure, & loing du coup, & de la contusion, comme si c'est aux cuisses ou aux bras, les appliquer aux esmōctoires, & a l'endroit des pl⁹ insignes vaisseaux.

Lesditz deffensitz se ferôt avec vnguent de bol d'armenye, faict avec eue de roses, de plantain, vinaigre rosat; ou bien les huilles qui sont propres a tel effaict, comme huilles de rozes, de panot, hyosquame ou huile de simple infusion de poplier cueilliz de saison: on peut vser aussi d'icelles meslees avec aulbins d'œufz: le cataplasme d'arnoglose ne doit estre negligé pour tel cas: celuy qui en fera avec violiers de Mars ne le trouuera de moindre vertu. Je ne veux icy oublier a dire que les pommes acides, comme celles de turc ou de malingre appliquees en mode de cataplasme cuittes ou crues, si on les cuit en petit lait, ou eue rose, elles seront fort propres a mitiger lesdites inflammations: dauantage la litarge disoulte en bon vinaigre, apliquee en forme de boue ou mortier, moyennant qu'il n'y ait point d'huile, est vn souuerain remede pour tel effect: la farine d'orge cuitte, & reduicte en cataplasme avec verius de grain, pouldre de rozes est aussi fort singuliere. Je ne veux icy toucher les medicamens narcotiques, ou extremement froids, ains les veux laisser au chirurgien, pour les, choisir selô qu'il verra les occurrances & necessités: & pour cela il aura recours aux meilleurs simplistes. Quand a la secôde intention qui est de corroborer la partie, la garder de mortification, & ayder a la contusion; si le membre est inany ou autrement necessiteux & despourueu de ses espritz & vertuz, il les faut reuoker en appliquant sur icelluy du vin de maluoyse, de l'eau de vie, en meslant parmy, si besoing est plusieurs ingrediens, comme racynes, herbes, semences

ou fleurs, comme rozes mirtilles, sauge, romarin, nard, & autres semblables avec girofle, canelle, muscade & autres. L'on peut aussi s'accômoder de plusieurs cataplasmes, dont nous ferons description lesquels ont vertu de roborer & conseruer les espritz & chaleur naturelle, en soulageant la contusion, comme le cataplasme faict de pur miel, y meslant quelquesfois selon la necessité vn petit de maluoisie ou bon vin: & y adioustant aussi, si bon semble, des farinnes de lupins, de febues & d'orobe: si on veut adiouster ausdits cataplasme du suc de polmos ou tapsus, barbatus, on gaignera beaucoup sur la contusion: on peut faire aussi decoction de ladite herbe & de perfoliata en vin gros, avec vn petit de sel, & bonne quantité de miel: lesquelles herbes passees, on adioustera les susdites farinnes, pour en former cataplasme si on a enuie q; ledit cataplasme soit pl^r stiptique pour prohiber la fluctiô, on y pourra adiouster du myrthe ou de sa semêce, des rozes, des balaustes, escorces de grenades ieûnes iettôs, ou fœilles, de chesnes, voire mesmes son escorce. Pour le regard de la contusion; s'il est question de liquifier & resouldre l'echimose ou sang meurdry, on se pourra fier avec assurance a la racine de vigne sauage nômee sigillum mariæ. Voilla l'ordre & chemin qu'il faut tenir pour rendre l'arquebuzade en bonne voye & estat: s'il est question de repugner a la sordicie, & pratiquer l'vïage des medicamens deterfifz, cela se fera avec prudence, & regles methodique: ce que nous auons reserué d'enseigner au traicté des vlceres: & quand a l'œuure d'incar-

nation nous sommes delibérés d'en monstrier la
praticque en mesme endroit.

TRAICTE' DES PLAYES

de la teste.

LES bleffures & playes de la teste different
entre elles en plusieurs sortes: asçauoir pour
les bastons & instrumens, ou pour leur grâdeur ou
petitesse, pour leur assiette & situation: dauantage
pour leur simplessse ou cōplication: iointe la dispo-
sition & sexe du bleffé. Quand ala differēce premie-
re, qui est prise des instrumens ou bastons causés
des bleffures, faut auoir esgard s'ilz sont legers ou
pesans, durs ou molz iectés de loing ou de pres, tō-
bez de haut ou poussez violement: s'ilz sont tren-
chans, picquans, ou obstruescontōdans, meurdri-
sans, ou esclatans. De la secōde difference, faut ad-
iustifier a la forme & figure de la plaie, si elle est su-
perficielle, ou profonde: large, ronde, ou estroictē:
cōtuse, dilacerée, ou seulement incisēe ou trachēe
droictē, transuersalle, ou oblique, Pour la troisiē-
me difference, faut cōsiderer si la plaie est en la par-
tie anterieure, posterieure, ou lateralle: sur les futu-
res ou arriere: en partie sollide & espesse, ou en par-
tie spōgieuse, rare, & tenue: sur les lieux musculēux
ou garni de vaisseaux, comme les crothaphites ou
temples, lieux proches des oreilles, des yeux & au-
tres lieux. Quand a la quatriēme differēce, faut re-
soudre si la plaie est simplement faicte au cuir musculēux,
ou avec lesion du pericrane, ou des os en leurs pre-
mieres tables, ou au total, avec contusion ou incisio

des mermiges ou du cerueau, sans deperdition de substances ou autrement. Et pour la consideration de la disposition & sexe du blessé, faut prédre indication de son tēperament: si dauātage il est bien ou mal affecté de la teste: s'il a esté depuis peu de tēps ou est encores infecté de quelque maladie contagieuse: s'il est catterreux; subiect a ebriété, robuste ou delicat, ieune ou viel, ou d'aage moien: hōme ou femme, enfant, ou caduc: toutes lesquelles choses induisent le chirurgien a prandre indication differentes, afin de mieux prendre le sentier ou voie de son but qui est d'empēcher les simpthosmes ou accidens, & restituer la sante selon le pouuoir de l'art. Et cōme ainsi soit que les varietés des blesseurs facent prendre aux chirurgiens particulieres indication, neantmoins pource que nostre intentiō n'est seullement que de deduire succintement & briefuement ce qui est requis a la pratique & cure des playes de la teste, & que nous supposons tousiours auoir affaire a vng methodique, bien instruit & fōdé, d'Ypocrat & Galien, nous mettrons le tout sur deux generalles differēces, qui seront prises & choisies entre celles que nous auons susdit: & dirons que les playes de la teste sont simples, ou composées: Et d'aultant que nous sommes enseignes par la vraye methode, qu'vne malladie simple n'a qu'vne indication, par ainsi la playe en la teste simplement faicte au cuir musculueux par instrument tranchant, moyennant qu'il n'y ayt empeschement venant de causes externes ou internes, comme poil & autres matieres estranges & que le subiect ne soit intemperé, pletorique,

cacochyme, ou de mauuais suc, sera aglutinée: combien que ceste reigle soit aujourd' huy être les chirurgiens peu praticquée, pour auoir esté & estre si rare devant les yeux des apprentiz qui suyuent les praticiens, qu'on la pourroit dire estre cachée en la fosse avec la vérité de Democrite. Je ne veux en ce lieu passer plus auant sur ceste intention, esperant en faire reserue pour la faire mieux apparoir au lieu, ou nous auons delibéré traicter des playes des extremittez, reprenant nostre route, nous dirons que sur les affections compliquées il faut asseoir plusieurs indications comme si la playe est contuse, c'est vne chose notoire qu'il faut procurer la suppuration: si elle est accompagnée de phlegmon ou autres especes de tumeurs contre nature, il faut premierement poursuiure leurs cures, autrement rien. Maintenant ie veux dire en passant, que cōbien que ce soit chose arrestée en l'art que les contusions se doiuent sup-purer, d'autant que le sang sorty de son lieu se putrefie, & que les contusions tumescées par sang accumulé se pourrissent, qui occasione de praticquer les supuratifz & ouuertures: Toutesfois la chose ne doit estre prise si estroictement qu'il n'y ait exemption: car il auient souuent que les enfans se font par huerter ou autrement des murtheres ou conuulsions qui neantmoins sont curées sans suppurations: mesmes cela est tout cler & commun aux fractures des os. Je puis asseurer en auoir traicté non seulement a des enfans, mais aussi a des personnes d'aage, mesmes a des bōs yurogues de nostre Picardye, qui auoient de telles contusions, que les os de leur teste
qui

qui estoient concassez & embarrez iusques a compresser bien fort la dure mere, & toutesfois sans ouuerture: comme i'estois sur ce traicté, maistre Hector Abrahan, chirurgien picart & des mieux versés en la chirurgie qu'homme de ma cognoissance, cōferant avec moy, m'a faict entendre, que depuis peu de temps il fust appellé pour traicter quelque paisant, qui auoit vne fort lourde contusion en la partie anterieure de la teste: ou au commencement qu'il fut arriué appliqua quelque medicamēt soubz esperance de faire le lendemain ouuerture a ladite contusion: toutesfois au retour voyant le patient sans fiebure, & avec peu de douleur, pratiqua l'ordre qu'il faut tenir aux contusions: & différa de faire ouuerture, & continua de iour en iour, n'aperceuant aucuns simpthomes, ou accidens perilleux, de sorte que ladite contusion passa par resolution: & estant du tout esuanouy; fist apparoir manifestement a l'œil quel os du dessus auoit esté rompu, & enfoncé en l'opposite du coup: & n'en aint autre chose qu'une bonne gazoū sans suppuration aucune. Anthoine michaut ch^{rs}, &gien demeurant a Guise, m'a fait voir vn brassin dudit lieu, nommé Quantin de la Croix lequel auoit au front partie fenestre vne embarrure d'os qui estoit assez enfoncée, qui auoit aussi esté garye sans suppuration: moyennant toutesfois vne oppiniaistreté dudit de la Croix, qui ne voullut iamais souffrir que ledit Chirurgien luy feist au commencement ouuerture, iay dit cecy, non pour autre occasion, que pour monst^rer (comme i'ay desjà dit) que toute contusion, &

tout sang accumulé & sorti de ses lieux, ne tombe point en pourriture boueuse, sinon le plus souuent quand il se fait vne anathosmose, ou ruptio de quelque insigne vaisseau: & ainsi quand le corps est si mal temperé, que le sang est quasi corrompu en ses propres vaines: ioinct que nous en voyons l'experience assez ample aux grâdes echymoses tumefiées, qui bien souuēt s'esuanoissent petit a petit. Par ainsi la suppuration n'a tousiours lieu aux contusions, si elles ne sont accompagnées des playes. Or disons maintenant l'ordre que nous tenons pour leurs cures topiques ou locales, puis que nous sommes sur ce propos, tout au commencement, & soudain que la contusion est faicte, deuât que le sang ayt acquis quelque chaleur oultre nature pour torner en putrefactiō, ie trouue fort bon de baigner la partie cōtuse avec de leau fort froide, venant d'une fontaine ou d'un puy, y laissant dessus la partie vne bonne compresse trépée en ladite eaue, iusques a ce quelle soit a demi deschée: & pource que telle pratique admeneroit incommōdité a la teste, cecy aura seulement lieu aux autres parties. Et pour reuenir aux cōtusions faictes ailleurs, est resté, faudra fométer la partie cōtuse avec gros visc. bouilly, avec bone quantité de sel: & apres la fomētatiō fault appliquer du miel incorporé avec quelque farine, cōme de febues, d'orge, d'orobe, & autres sēblables, sans oublier le suc, de phlomos, ou taphusbarbat⁹, cōme choses des plus excellātes pour ce fait: ceux qui voudront cōposer des medicamēs avec aulbins d'œufz, huilles de roses, & demyrtil, avec les poudres mesmes, bol, mastic, sang

de dragō & autresle pourrōt faire si bō leur semble: maisie m'assure q; nos premiers remedes ne faudrōt poit. Et pour le regard de la trāsudatiō de l'ethymo se, nous auōs desjà dit q; la racine de sigillū marié est des pl⁹ singuliers remedes pour tel cas. Faisant maintenant nostre poursuite, nous viendrons aux playes de la teste compliquees avec blessures de crane & des meninges, voire mesme du çerueau. Mais pour cause de nostre briefue intention, nous constituerons toutes les especes des blessures de crane en deux: a sçauoir fracture & ēbarrure: ceux qui voudrōt voir les autres sortes de blessures qui ont chacune leurs particulieres appellatiōs, aurōt recours a Hipocrat, Gallien, Paul, Eginet, Cornel, Celsus, & autres praticiens anciēs & modernes: nous nous contenterōs des deux susdites, en conioingnāt toutes les autres a icelle: pource que toutescelles differāces ne seruent pas prōptemēt pour l'intētiō de medicamēter, mais bien pour faire cognoistre l'estre & disposition de la blessure. Or dōc ayāt certaine notice & assurāce, que les os de la teste sōt fracturez ou enfōcés, tant pour les signes oculaires & sensibles, que par les signes cōiecturatifz qui sont prins des simpthomes ou accidēs, il se faut proposer & mētre deuāt les yeux lin cōueniēt & peril qui aduiēt a telles playes par faute de l'ayde & secours de la main du chirurgien: ce qui sera aysement cognu en considerant que le çerueau qui est prince & autheur de la faculté animale, racine & origine des nerfz, instrument du sentiment & mouuement ne peut endurer affectiō cōtre nature qui face cesser ses fonctions, sans faire aussi ces-

ser les autres facultez. Maintenant faut que nous di-
 fions que c'est vne chose toute arrestée & assurée,
 que toute chose qui pourroit offenser le cerueau, ou
 les parties seruant a icelluy doibuent estre ostées. Et
 d'autant que l'experience est commune, que le pl^s
 souvent les fractures & embarrures, avec les com-
 motions & esbranlemens, par la contusion, & lesioⁿ
 du cerueau, ou de ses meninges seullement: ioinct
 aussi que les ruptions & dilacerations des vaisseaux
 distribuez en celle partie, sont causes d'inflammati-
 ons, alterations, & putrefactions, qui causent apres
 fiebures frenesies conuulsion, paralisie, consequem-
 ment la mort, en faisant comme l'ay dit cesser toutes
 les actions des autres facultez; aussi pour metre a
 execution l'intention & fin de chirurgie, qui est de
 prohiber & empescher les accidens futurs, reme-
 dier & curer ceux qui sont presens, il faut commen-
 cer en preparant lieux tant pour oster les choses qui
 empeschent que pour donner voye aux medicamens
 Supposé doncques vne blessure de crane, il faut le
 plustost qu'il est possible dilater le cuir musculieux
 avec le perierane si bien que rien ne demeure pour
 donner empeschemens. Et si la fracture, coupure, ou
 scissure, estoit si estroicte qu'il n'y eust issue pour sor-
 tir le pus ou excrement qui se pourroit engendrer
 soubz le crane: & pour y faire couller des medica-
 mens idoinés a netoyer & engarder la putrefaction.
 il faudra perforer ou trepaner l'os modestement,
 afin de donner ordre, & euer ce que nous auons
 susdit: l'entens ou il n'y a apparence de contusion aux
 parties de dessoubz le crane: car en tel cas, il faudroit

faire ouuerture plus ample pour remedier aux accidens: & si la fracture, ou scissure passoit au trauers & outre vne suture, il seroit expediēt de faire ouuerture de ça & delà ladite suture: pource que les membranes qui ont vne adherance, & sont suspēdues, ou soustenues par le moyen des sūctures, font vne separation qui empescheroit que le pus ne pourroit estre vuidé par vn seul orifice. Quand aux playes des os qui sont faictes par instruments tranchans, comme dagues, d'espees, coustelatz & autres, moyennāt qu'il n'y ait apparance qu'aucuns esclatz de la partie inferieure de l'os ne fassent lesion aux membranes, ou qu'elles soient incisées ou contuses, en faisant voye aux medicamens, & issue a la matiere qui se pourroit engēdrer en la partie, avec rugiens & petit sizelet tranchant, nous auons plusieurs fois curé de telles playes sans autre eleuation d'os. Et quād aux esclatures & embarrures qui sont du tout rompues en leur circonference, & qui cōpriment & sont insérées dās les meninges, il faut le plus diligēment que faire se pourra les oster, si possible est de les auoir sans causer accidens par trop dangereux. Ce qui peut aduenir, comme i'ay veu. Et afin que ie face cognoistre quelque chose de ce faict, en monstrant la perfection merueilleuse de nature, quand elle est disposée a bien faire, & se deffendre contre les iniures & oppressions qui tendent a sa totale ruyne, il ne sera trouué impertinēt si ie recite en ce lieu quel que histoire & exemple de mes obseruations & pratiques, Vn quidem eut vn coup de pied d'un rousfin, qui luy fit embarrure des os de la partie tem-

912 12 C iij
F2011111111

poralle iusques dedans les meninges : estant ladicte
 embarrure plus large en son fös pour auoir esté pl⁹
 esclattee en la table de dessoubz, Iean le leune chi-
 rurgien en nostre ville de sainct Quentin, & moy,
 appellés pour la cure trouuâsmes grande difficulté
 pour tirer lesdits esclatz ou embarrure, n'y ayant
 moyen de dilater & separer le cuir musculeux, a rai-
 son du muscle crotasite qui est garny de veynes &
 alteres, donnant par ceste occasion peu de moyen
 de faire ouuerture, sans grand danger: nous aduîsa-
 mes toutesfois d'inciser le cuir musculeux a costé
 tyrant vers le front, a celle fin d'emporter avec la
 trespane quelque quantité d'os pour faire place a
 esleuer, & faire passer ladite embarrure Et pource
 que ceste piece ou esclat qui n'estoit plus tenu ny
 attaché aux os de la teste branloit & s'enfonçoit en
 y touchant nous les sonsleuâmes vn petit avec gou-
 ges & petitiz cizeletz, & tismes subiect iusques a y
 faire pendre vn tirefondz, & pource que les vaisse-
 aux internes qui viennent des iugules sont adherâs,
 & mesmes imprimés au dessoubz des os en c'est en-
 droit. lors que nous le pensâmes esleuer & en fai-
 re ablation, il nous suruint vne grande emorragie,
 avec des conuulsions, l'ypothymie, & tournement
 des yeux, de sorte que nous fusmes cōtraincts de ces-
 ser & aduîser aux accidens qui se presentoiert. Et
 nous efforçant le landemain de soufleuer lesditz es-
 clatz; tomboit chascun coup, & de plus en plus en
 pareil accident: tellement que nous fusmes con-
 traincts en desesperant de la vie du patient de laisser
 ledit esclat: neantmoins par la prouidence de natu-

re avec l'ayde de l'art, & l'vsage de nos medicamēts capitaux, l'issue en a esté si heureuse, que le persōnage se porte autant bien qu'homme de sa sorte. D'auantage pour monstrier que les esclatz ou piēces du tout rompues en la teste viennent quelquefois a coalecer par leur substance oseuze ou medium ca-leux, i'ameneray encore vn autre exēple a ce propos. Vne petite fillete agēe enuiron de trois ans, estant tombēe en vne caue de vingt-huict ou trente degrez de profondeur, eut vne grande partie des os de la teste concassez & broyez sans toutesfois lesiō du cuir musculieux: quelque compaignon chirurgiē qui estoit pour lors en mon logis voyant en mon absence le lieu fort esleuē & meurdry, fit en la partie plus basse aux deux costez ouuerture avec vne lancette seulement, & fist sortir bonne quantité de sang, & fut sept ou huit iours ou ne sortoit que du sang aussi frais que s'il eust esté tiré de la vaine, depuis tel temps se tourna en boue: & comme la partie fut vng petit deschargēe & que ie me voulus informer du fondz, ie coullay vne sonde dedans: la ie trouuay les os du tout concassez & enfoncez: puis considerant le temps de la blessure, qui estoit diz ou douze iours, & que l'enfant estoit sans fiebure & autres accidens dangereux, i'accorday avec nature doucement, si bien qu'elle se contenta fort bien de moy: moyennant l'vsage d'vne iniection capitale, qui auoit faculté de deterger modestement, & empescher la putrefaction avec aussi vne fomentation propre a roborer la partie: & par ce moyen la chose succeda selon mō desir.

Voilla comment quelquefois nature s'escryme & combat contre aucuns accidens qui ne semblēt que trop suffisans pour l'abolir du tout. Parquoy n'est pas tousiours necessaire au chirurgien d'vser de la rigueur de l'art, si ce n'est lors que les occasions sōt vrgentes, & qu'on voye leuer les oreilles, & cornes aux accidens par trop dangereux: mais avec bonne garde faut aulcunefois tolerer carasser, & flater nature. Toutesfois ce n'est pas que ie veuille conseiller de delaisser & negliger les fragmens & esclatz des os rumpus, sinon; comme i'ay dit, qu'il n'y eust moyen de les oster, sans metre le patient du tout en peril. Maintenant nous dirons qu'ayans separé toutes choses estranges qui empeschent la principale reigle pour seurement praticquer, consiste a empeschier l'inflammation tumeur ou enfleure des meninges & du cerueau, & en la consolidation desdites parties: & faut praticquer cecy le plus hastiuement & soudain que lon peult, mesmes aux premiers appareilz, deuant que lesdits accidens soient commencez: pource que depuis quilz sont tant soit peu formez, a grande difficulte sont ilz vaincus & surmontez: ioinct que le cerueau est vne partie qui se corromp & putresce en peu d'heure come il appert par l'aduertissement que faict HIPOCRAT parlant des playes de la teste, disant que la mort aduient en este endedans sept iours, & en yuer en quatorze. Aussi nous voyons que tost apres que le cerueau est blesee, il vient a se tumeffier & bouillonner hors de la teste tout altere & corrompu pour a quoy remedier du pouuoir de l'art, faut vser promptement de

medicamens qui oultre leur facultéz de consolider, incarner, deterger, & empescher la tumeur & inflammation, soient aussi pouruues d'une mutuelle & spécifique affection a la teste & parties d'icelles. Et me sentant maintenant sur ce propos afin que ie face aparoir la bonne affection que i'ay au public; Je veux en ce lieu faire part a la communaulté des chirurgiens praticiens nommemēt a ceux qui n'ont point descouuert & cogneu l'experience que i'ay eu d'aucuns medicamens, & ce que i'ay peu apprendre & congnoistre de bon & assuré; pour l'intention que nous auons cy dessus alleguée: sçauoir pour la blessure & lésion du cerueau & de ses meninges chose que ie tiens pour bōne & de rare praticque apres que l'experience men a faict certain en obseruations de choses quasi incroyables. Entre autres ie fus vn iour appellé a Montescourt Lizerolle, village scitué entre saint Quentin & Chaulny, pour penser vng laboureur qui auoit vn tel coup sur la teste que fort grande quantité du cerueau estoit sortie, chose que ie ne voullu croire, iusques a ce qu'ayant leué quelques estoupes garnies d'aulbins dœufz qui y auoient esté apposez par vn barbier de village, iaperçu quantité dudit cerueau sur lesdites estoupes, & plusieurs fragmens d'os embarrez & inferrez au trauers dudit cerueau & des meninges: quoy voyant apres auoir tiré ce que ie peus desdits esclatz, i'eu recours a la bource du pasteur, au petit bellis ou margueritiers. & au bugle & appliquay seulement leur suc avec charpie & estoupes: le landemain leuant mon appareil trouuay ma playe disposée en sorte q; le cer-

OFFICINNE ET IARDIN

ueau ne sortoit plus: ie m'aduifay lors de continuer mesdits sucz; & apperceuant la suppuration ie fis meffanges de quelques mondificatifz; comme le rebentine, miel rofat: & de nos sirops vulneraires, dont aparut peu de temps apres vne production de chair par toute la partie de deffoubz l'os nonnément sur le çerueau, si bien qu'il n'y auoit celuy qui n'eust assurance de curation. Le vingtiesme iour passé comme i'eu apparence qu'une partie du çerueau estoit vn petit plus tumefié; & mal coloré, que l'autre, i'ay mis le doit assez pesamment. & y senty quelque dreté, & m'informant de la cause, trouuay vne esquille de plus de deux grands ponces de long, qui estoit directement fichée dans la substance du çerueau: laquelle chose m'estonna grandement, voyant aussi mon patient sans fiebre, ny autres accidens, mais avec fort bon apetit de mëger: routeffois petit a petit la faculté animale se vint a troubler de sorte que l'imaginatiue deuint fort bifsare & variable consequemment aussi les autres facultez: Tellement que ledit personnage perdit le iugement cōme vn petit enfant, puis mourut sur le trente deux ou trente troisieme iour de sa blessure: neantmoins ie ne l'aissay de veoir l'effect des susdites plantes & du depuis ay eu grand contentement & fort bonne fin de la pratique & vſage d'icelle: & puis assurer sur ma conscience, qu'entre les remedes que i'ay iamais cognus pour les playes du çerueau & de ses membranes, ie n'en ay point cognu de plus assurées que les susdites plantes, & celles que ie veux encores icz nom-

mer: asçauoir, alchymilla ou pied de lyon, le bugle
 ophyogloson, ou langue de serpent, offris le sim-
 phiton, la veruaine, la millefeuille, l'hypericon, &
 perfoliata. Je l'aissieray a la description du praticien
 le choisis, composition, preparation, commixtion, ou
 meſlange: & diray ſeulement que pource qu'on ne
 recouure point en toutes ſaiſons deſdites plantes, il
 faudroit en faire conſerue & autres cōpoſitions avec
 ſucce terebentine & autres larmes ou gomes vul-
 neraires. Noꝝ ſ auons dit au cōmencement de ce
 traicté qu'il ſant auoir eſgard & prendre indication
 de l'habitude ou diſpoſitioo du bleſſé: pour ce que
 quelquefois il eſchet qu'aucun bleſſé a la teſte eſt
 fort mal affecté d'icelle dōt aduient qu'il ſe procrée
 des accidens fort faſcheux, en ſorte que ſi le chirur-
 gien n'eſt diſcret & bien aduiſé, il ſuccumbé deſeu
 & fruſtré de ſes intētions: & partāt doit auoir l'œil
 & le iugemēt droict tant pour borgnier ou mirer
 le niueau & la ligne qui fait voir la ſymetrie ou le
 deſreiglement de la partie ſubiectē que pour enten-
 dre & cognoiſtre la nature & effect deſdits accidēs,
 afin de les ſurmōter, rembarer & empēcher leurs
 cours. Et a celle fin d'eſmouuoir & encourager les
 nouueaux praticiens a pourſuiure leurs cures, en-
 corres qu'elles ſemblent deſſoudées & quaſi hors
 d'eſpoir, ie reciteray icy ce qui m'eſt aduenu en
 la pratique d'vne playe de la teſte faicte a vn qui-
 dam, qui quatre ou cinq mois au parauant, pour
 la mauuaïſe habitude de ſon gerueau, auoiet
 perdu l'vn de ſes yeux, voire quaſi tous deux: or
 aduint il, que trauiſſant de ſon eſtat de maçon,

par la cheute de quelque pignon, ou superficie de quelque vielle muraille, il eust le dessus du sinciput rompu, & embarré a l'endroit que se croissent les sutures couronnalles, & sagittalles, declinant sur l'vn des bregma: a raison dequoy, la duremere priuée de sa suspension qu'elle auoict par le moyen desdites sutures, tomboit en bas, & monstrois assez grande cavitée, lors qu'il fust question de faire ablation des os rōpuz & esclates: trouuasmes le crane & la duremere quasi mortifiée & tout exauquée, neātmoings chargée d'humeur fereuse, ou aquaticque: peu de iours apres plusieurs symphomes ou accidēs s'apparurent: sçauoir, vne paralisie quasi de tout le corps vne grande tumeur flatueuse aux nez, aux yeux, & au reste de la face, avec vn aneantissement de sens, & vne mortification de la playe: & comme nous iestions sur les considerations, nous apperceusmes au fondz de ladite playe quelque quantité de matiere glereuse ou pituyteuse, qui ne se pouuoit du tout extraire & facilement nettoyer: ce qui nous esmeu a faire ouuerture plus bas: & y procedant comme en chose desplorée, coupasmes bonne quantité d'os en l'inferieure ou basse partie du dict bregma au dessoubz du quel trouuasmes grande quantité de la susdite matiere glereuse, & visqueuse comme musilage, laquelle matiere tendoit beaucoup a putrefaction, en sorte qu'elle auoit tellement alteré la duremere, que tant peu qu'on y touchoit elle se dislacceroit & deschiroit comme papier trempé. Quoy consulté apres auoir faict pronostic de la mort, il me vint a memoire & m'adui-

fay de l'ordre & praticque que tiennent ceux qui
 conseruent les peaux, & qui en les exemptant de
 corruption; les fortifient & endurecissent en sorte
 qu'elles seruent a plusieurs negoces: tellement que
 sur tel exemple ie me mis en debuoir de compo-
 ser vn medicament, propre tant pour abluer & ne-
 toier en desechant l'excrement, que pour conser-
 uer afermir la duremere, en roborant toute la par-
 tie, nommement le cerueau: & tel medicament fut
 fait avec vin rouge, dedans lequel fis bouillir es-
 corces de chesnes, ballaustes, galles, noiz de cypres
 roses, absinthie, faulge, agrimoine, centaure, canel-
 le, romarin, bethoine, mariolaine, tapsusbarbatus
 & miel, & en la collature adioustay vne cinquies-
 me partie d'eau de vye rectifiee, & d'icelle deco-
 ction feismes iniection avec seringues au fond de
 ladite partie, & pour plus commodement inbiber
 l'excrement visqueux, aplicasmes esponges au lieu
 de cherpy: de maniere que nous paruinmes a tel
 succez, qu'en bien peu de temps nostre membrane
 se demonstra fortifiee espelle, & deschargee dudit
 excrement: tellement que par la poursuite &
 bonne obseruation des reigles tant generalles que
 particulieres, nous paruinmes a vne entiere & par-
 faicte cure. Ainsi faut il que le chirurgien soit cou-
 rageux & bien aduise en la cognoissance des occur-
 rences & accidens qui en arriuent, & sans par trop
 s'oppiniastrer, s'arreter aux praticques & coustumes
 ordinaires, il doit de toute force embrasser
 tous moyens qui ont quelque affinite & alliance
 aux choses naturelles. Et diray dauantage que bie

souuent en temps de necessité, moyennant qu'il n'y
 ayt danger d'accidens plus grand il doit hardiment
 s'appuyer sur certaines matieres & medicamens oc-
 cultes en leurs effectz, encores qu'ilz semblent re-
 pugner & contrarier a l'intention pretendue, & non
 pas demeurer sur le cul comme vn singe, ou debout
 immobile comme vne statue, sans aucú pouuoir, &
 seulement de crainte de faire aucune chose nō escrip-
 te ný praiquée des autres plus vielz : car cōme on
 dit en cōmun adage qui ne peut d'vn sac il doit fai-
 re d'vn cédrier & qui ne peut moudre en vn moulin
 il en doit chercher vn aultre. Quand a ce qui reste
 a deduire pour nostre matiere subiecte, nous auons
 maintenant a dire qu'apres que la simplicité ou cō-
 plicatiō des playes de la teste sont cōgnues, que tou-
 tes choses estranges sont sepparées & ostées, & que
 ladite playe est tellement accommodée qu'on peut
 en partie ou du tout voir a l'œil le lieu & la dispo-
 sition des parties, la qualité des matieres y con-
 tenues, en obseruant & praiquant les choses
 vniuerselles, comme la preparation & euacuation
 des humeurs estranges & superflues, aussi la recti-
 fication de celles qui sont restées avec regimes de
 viure conuenable, il reste a stimuler & inciter
 nature a se restituer, ce qui est en elle. deffaillant,
 & expeller aussi ce qui luy est de superflus, soit ex-
 crément ou portion & superficie de crane alteré,
 qui quasi tousiours & ordinairement se voit aux
 playes de teste qui sont compliquées, & nomme-
 ment quand ledit crane a esté long temps desnüé
 de sa peau musculieuse, & de son periot, ou pericra-

ne: car tant a raison de la quantité de l'air ambiant des medicamens, & aussi des excremens qui sont arrestés repofans sur ledit crane, il conçoit & imprime en soy vne alteration qui de neceffité vrgente se doibt separer & exfolier arriere du sain: & a ce faire nature (comme ie viens de dire) doibt estre incitée par le chirurgien, lequel doibt esmouuoir la faculté expultrisse par vsage de medicamens topiques ou locaux, lesquelz par vne vertu attractive ou biend'une propriété defechante qui consommet non seulement l'excrement superflu, mais aussi l'humeur designée pour l'entrenement & conseruation de la partie, dont aduiet que tout ainsy que l'arbre a la fin de l'autōne se despouille de ses fœilles, a cause de la repercutiō & priuation de son suc ou alliment, lequel se retire en son centre qui est la racine: ainsy l'os s'exfolie & escaille par ladesfication & composition de sa propre & naturelle humeur. Quand a ce qui est expedient d'observer pour monder & nettoyer les playes purulentes & les deliurer de sordition, il faudra auoir recours aux traictez que nous auons faictz des vlcères touchant la mondification. Mais d'aultant que les medicamens n'ont energie, ny force, s'il ne sont reduitz de puissance a effect par la prouidence & benefice de nature, il est de neceffité que le praticiē ayt le iugement iuste & droit dressé au but de l'armonye naturelle, & que son intention soit d'accorder & reduire le deffault en considerant & maintenant ladicte armonie mesmes en chascun mabre & particule. Ce que ie laisseray a dire en quelque aultre temps,

Toutesfois ie diray seulement que pour paruenir a telle intention; l'vsage de potions vulneraires doit estre praticqué: lesquelles potions non sans cause sont dites vulneraires, d'autant que leur effect & propriété sentend non seulement a reduire en simetrie, ou temperature le suc vniuersel ou masse sanguinaire, mais qui plus est, elles portent, introduissent, & impriment au membre ou substance de la partie affectée certaine vertu ou propriété medicamentalle, qui induit, stimule, restaure, & viuifie, ladite partie laquelle puis apres se restitue, ce qui luy est plus de besoing & necessaire. Et quand a la composition desdites potions, nous auons reserué a les inscrire a la fin de nostre traité pource que en ce lieu nous deliberons monstrier comme elles se doivent diuersifier, non seulement pour raison des simphomes ou accidens, mais aussi pour la difference des membres & parties affectées.

DES PLAYES DV THORAX.

AYANT satisfait à nostre intention, sur le discours par nous entrepris pour la curation des playes faictes en la teste, que aucuns anatomistes appellent ventre superieur, nous auons trouué bon de traiter en c'est endroit la pratique des playes qui se font au ventre moyen, nommé des Grecs Thorax. Le chirurgien appelé pour ce fait aura a considerer & prendre indication du genre & de la nature de la playe, la situation d'icelle, la disposition, figure, & forme, Et la cōplication: par ce moyen

moyen il iugera & fera pronostic de la difficulté de la cure; de l'issue bonne ou mauuaise, & qui plus est sur lesdites indications, il bastira les fondemens de sa pratique. Or quand au premier chef, pour la premiere consideration, qui est le genre, il la conjoindra avec la disposition, forme, & figure, de la blessure: considerera aussi de quel instrument ou machine elle aura esté faicte: en prenant garde si l'entree est en la partie anterieure, posterieure, ou lateralle: superieure, ou inferieure: & si elle a issue en la partie opposite: dauantage si le corps ou instrument n'a rien laissé en la capacité ou profondeur de la dicte playe; & sur ce fera cōiecture de ce qu'il aura a faire: outre plus il prendra garde a la figure & entrée, & aduifera si elle penetre droit au profod ou obliquement, lateralement, ou transuersallement, en haut ou en bas. Dauantage par la situatiō il aduifera si quelque sang ou excremēt est ou peult estre retenu ou arresté en quelque capacité: & s'il y a moyen quil soit tiré & euacué par l'orifice de ladite playe: ou bien s'il faut pour l'extraction d'icelluy faire contre-ouuerture. Et pour le regard de la complication, raportant toutes ces circonstances a son iugement, il aprandra si aucuns visceres, ou membres notables ont reçu quelque lesion, puis considerant l'action ou noblesse du membre avec les symphomes ou accidens, iugera si lesdits accidens, sont reparables ou mortelz. Toutes lesquelles choses entendues, faut qu'il face project du desseing curatif, metant en execution ce qui est en la puissance de l'art, & le plus

diligemment que faire se pourra, sans remède a
 autre temps : ce que ie dois practiquer & faire au
 commencement, principalement ou il est question
 de faire ablation de choses estranges & reunir ce-
 ste diuision & separation . Partant doncques il faut
 des les premiers apareilz extraire les corps & matie-
 res nuisibles contenues aux vulceres: plus aduiser si
 par la playe nature pourra faire eiecction & expulsio-
 on des excréments: & sinon faut emplir l'orifice
 d'icelle: dauantage si la blessure estoit faicte en la
 superieure partie de la poictrine, ou metapherne,
 ou bien iouxte les esmoinctoirs du cœur iugeant
 par les symphomes qu'il y eust du sang contenu
 en l'inferieure partie du thorax, sous le *septum trans-
 uersum* ou diaphragme: ne faut negliger la contre-
 ouuerture, qui seruira tant pour la vuydange dudit
 sang, que pour l'introducction des remedes requis, &
 qui se practiquent pour abluer: qui sont dictes in-
 iecctions. E S T A N T doncques paruenue iusques a
 ce but que toutes choses requises a l'vniuersel sont
 deuëment obseruees, principalement l'ordre des choses
 non naturelles, il faut puis apres aduiser, en quoy
 consiste l'intention presente & accommoder les re-
 medes suyuant les indications prinſes comme nous
 auons ia dit de la disposition de la blessure, & aussi
 du temps: comme s'il faut boucher, conglutiner, ou
 restaindre instrisquement aucuns vaisseaux, dige-
 rer: ou absterger: ie ne passeray pl⁹ outre sans admo-
 nester en cest endroict le lecteur a ce qu'il ne soit
 imitateur de la façon de faire d'un tas de lourdeaux
 ineptes, lesquelz, on pour ignorance ou pour mali-

ce expresse, afin de faire paroistre leurs besongnes bien grande enuers les bleſſez & les assistans, sondât leurs playe iusques au fond, & puis font leur rapport & recite qu'elle penetre aux creux, de neuf, dix, ou vnze, poulces, comme s'il auoient chargé vne futaile & baril: puis pour faire la truye dancier, font vne grande & longue tente de mesure. & l'enferrent a toute force dans ladite playe, disant qu'il faut qu'elle ratainde le fond, ou autrement ce ne seroit rien, pource quil s'engendroir vne apostume, comme ilz disent. entre les boutz de la tente & le fond de la playe: qui pis est, font accroire qu'ilz ne les aueroient accourcit que faict a faict que les chairs croissent. A la myenne volunté que les magistratz prinsent garde a telle absourdité, & qu'ilz deliurassent telz maistres veaux entre les mains des pasteurs ou vachers pour les mener paistre en quelque fangeuse prairie, ou bien qu'on les pourueust en tiltre d'office en estat de sondeux de lyes pour faire le vinaigre. Car telz maistres sondeurs bien souuent donnent aux pauures bleſſez plus de peine ou moleste que n'a faict le coup: dauantage par leurs tentes empeschent & ostent a nature l'occasion & moyen de se racommoder & reuoir en ses lesions: ce que quelquefois nous auons veu aduenir a aucuns paysans de nostre quartier: lesquelz pour n'auoir voulu faire raison (côme ilz disent) a plaiger leurs compagnons yurôgnes a boire d'aultan, apres auoir receu des coups de dagues ou de cousteaux de leur dits compagnons, ont esté fort bien garys a faute de chirurgien tant scullement en metant sur leurs pla-

yes des fœuilles de choux vne fois ou deux le iour.

Je dis daultre part qu'il faut bien garder de negliger la cōtinuation & fondz des playes du thorax principalement celles qui sont faictes aux sterniū, & parties cathilagmeuses: pource que par la sonde bsen souuent le chirurgien y est deçu, nommement quand la playe est faicte d'un instrument plat & trāchant: a raison que si la sonde est ronde, & porte plus d'espeſſeur que l'instrument qui a faict ladite playe, elle ne pourra faire paroïr ny sentir la poursuite & penetration d'icelle. Mais le chirurgien discret preuoyant les circonstances qui doiuent estre considerees pour tel faict, iugera ce qui en est: & par tant eutera a ce qu'il ne soit retenu & arresté quelque matiere qui par longueur de temps enfermee acquerant qualité errodente, pourroit alterer & corrompre la substance de la partie, mesmes causer carrie aux cottes & cartelaiges: comme i'ay veu plusieurs fois aduenir, entre autres a vn habitant de beaurevoir, lequel ayant esté mal pensé d'un coup de cousteau en la poictrine, deuint empiematique, & quasi du tout tabide: se voyant en telle paine, & que sa playe ne vouldoit prendre fin, manda vn chirurgien de Peronne nommé Charles Croiset, & moy avec luy: ou estans conclumes a la carie, & alteration des os & cartelaiges: & ayant fait ouuerture, & aperçu l'accident ou conclusion veritables, fusmes contrainctz de couper bonne quantité desdites parties, & cauteriser quelques cottés, par ce moyen a recouert sa santé. Je pourrois amener vne infinité d'autres exemples: mais il me suffira quand i'auray

di& que cōme ie trauallois a ce traicté, vn certain payfant s'est présenté a moy pour auoir aduis touchant vn coup qu'il auoit reçu austerum, dont s'estoit ensuiuy vne grande carrie quasi de tout le sternum: & pour la fiance & bonne opinion qu'il auoit de celluy auquel il s'estoit adressé pour le penser, estoit si arresté a sa fâtasie, que ie ne luy sceu oncques suader qu'il y auoit eu de la negligence en l'entreprinse de sa cure: & me dit, qu'au contraire tout sō malheur prouenoit d'un chirurgien voyfin de troys ou quatre lieux du sien: lequel par l'enuie qu'il portoit a son cōpaignon l'ayât vn iour visité luy auoict enforcélé sa playe: mais pour l'experience que ie auois de telle chose, ie cognu fort bien que c'estoit faute d'auoir esté traicté rationnellement: partant pour obuier a tel peril. Il est de necessité a celluy, qui est appellé a telles cures qu'il soit au commencement bien informé de sa playe, afin qu'il donne ordre (comme i'ay dit) que rien de ce qui doit estre expellé au dehors ne soit retenu, & enfermé aude-dans, & pour reprendre nos brisées lors que par faute de bon regime, & de l'vsage des potions seruans a l'intention pretendue, ou par imbecillité de nature, & malice des humeurs, la chose seroit venue a tel poinct que les excremens de la playe seroient fordides & corumpuz, il faut soudain auoir recours aux potions & sirops, qui ont faculté de repugner a telz accidens, & y dōner secours: lesquelz nous ordonnerons en leur ordre. Ausurplus il fault aussi s'accommoder des iniections que nous auons ordonné pour estre introduites en la capacité du to-

rax, pour corriger, nectoyer, mondifier, & combattre la putrefaction & s'en pourra faire aucune avec suc ou decoctions comme d'aristoloche, absinthé, appie, agrimoine, sentaure, marube blanc, escorces de berberye, ligustre, tenassete, rube ou franboisier, partenium, menthe, roze, luppins, aloes, miel, vin, & semblables: & iceux ingrediens seront esleuz & choiziz pour en dresser compositions selon plus ou moins, abstermes: & alors que la sordicie sera diminuée, & que les excremens seront plus louables, il faudra diminuer lesdits deterfiz, & continuer vne moyenne mondification, roboratifue de la partie affectée iusques a la fin. Quand aux remedes requis pour telles curations ilz se trouueront mis par ordre a la fin de nostre discours.

*DISCOURS SUR LES PLAYES
du ventre.*

MAINTENANT que sommes paruenuz a la fin du traicté des playes du thorax, ou ventre moyen. C'est icy ou nous auons trouué expedient de parler de celles qui se font au ventre inferieur: & pour ce que diuerses indications doiuent estre considerées sur ce fait a raison de la multitude des membres, & particulles qui sont contenues en icelluy: nous auons trouué bon de rememorer en cest endroit, la description dudit ventre inferieur, selon la reigle anatomicque: d'autant que cecy seruira non seulement au fondement des predictions ou pronostic des accidés futeurs, mais aussi pour le bastiment des remedes seruans a la cure.

PARCE ventre d'oc, nous entendons ce qui est cir-
 conscript au total depuis le mediastin ou diaphrag-
 me, iusques au fondz du serotum ou bourse. la par-
 tie qui commence a la basse du sternon ou cartilage
 nommé des Grecs xiphoydes, terminant vers la
 region de lumbilicque, est dit epigastre: icelluy co-
 tenu le ventricule, avec portion d'une lobe du foye
 qui embrasse & se couche quelquefois sur ledit ven-
 tricule: dans ledit epigastre sont aussi compris les
 intestins gresles avec portion de l'epiplon d'inferieu-
 re partie qui comprend depuis lumbilie iusques au
 pubis est apellé hypogastre, soubz lequel sont com-
 prins les gros intestins, portion de l'omenton; la
 vessie, la matrice aux femmes avec ses parties, com-
 me testiculles cornes ou ligamens vaisseaux ystem-
 meqs. & quand aux parties communes aux deux su-
 perieur & inferieur, nous y comprendrons ledit epi-
 plon, le mesenter, le pancreas, avec la vayne porte,
 & en son inferieure region a costé sont les addennes
 garnies des glandules, qui seruent de cloaque ou
 esmonctoires au foye: ainsi que seruēt pour le cœur
 celles qui se trouuent a costé en la superieure par-
 tie du thorax, au dessoubz des bras. Les parties su-
 perieures lateralles dudit epigastre, que l'on nom-
 me hypocoudres, a raison des cartilages, contiennent
 deux insignes & notables visceres, sçauoir le foye
 au costé dextre, & la ratte au sepestre. QVAND a
 la posterieure partie du gaster ou ventre, la region
 superieure fait partie du metapharne: ce qui est au
 dessoubz est dict ou nommé region lumballe, au de-
 dans d'icelle sont contenus les roignons, les grâdes

arteres, & veines caues descendantes, les esmulgētes, les vaisseaux spermatiques tant arteres veines que nerfs. Des parties externes & contenant, cōme le perithoyne, le pericule charneux, les muscles dudit epigastre, le cuir & semblable, nous n'auons deliberé en ce lieu de traicter de leurs playes, d'autant que c'est chose assez cognue, pour auoir esté traicté suffisamment des anciens & modernes: ioinct que cela se doit referer a l'indicatiō generale & commune pour les solutions de continuité. Reprenant nōz brisces, le chirurgien qui sera bien informé, & aura apris de Gallien, l'vīage & fonction des parties de l'homme, prenant garde a l'estre & situation de la playe en dilligence, remerkant aussi les simpthomes ou accidens produictz par icelle, facilement il fera pronostic de la cure, & donnera fondement a ses remedes. Or anant toutes choses, par ce que le ventre entre toutes les parties est plus humide & subiect a engendrer pourriture, tant a raison de ladicte humidité, que pour cause des excremens qui y sont contenuz, il est de necessité expresse faire en sorte que ledit ventre soit tousiours tenu net. Tant de l'excrement gros & feral, que de ceux qui se font en lelaboration de la masse sanguinaire que l'on nomme humeurs excrementieuses.

PAR VOY executer, faut auoir recours aux remedes catertiques qui sont purgatifz vniuerselz: mais principalement apres que petit a petit & doucement on a purgé le ventre superieur, le clistere porte en soy vng grand ayde & secours, pource que non seullément il sert cōme de l'ordinaire, a purger

& nettoyer les intestins, mais aussi nous les pouuons approprier a faire seruir de remedes propres & particuliers pour l'escope de l'intention presente, soit pour le regard des premieres qualitez, comme pour raffreschir & eschauffer: dauantage aussi les composans avec les ingrediens & mesmes remedes seruans aux playes, nous les rendrons conformes a l'intention requise ausdites playes, soit pour consolider mondifier, ou desterger: tellement qu'il se peuuent faire & composer de medicamens vulneraires, soit racines, herbes, fleurs, fruietz, & toutes autres matieres conuenables: outreplus les fomentations composées des susdites matieres conduisent la pratique a bonne fin. Au demeurant pour le fond de la matiere comme ainsi soit que le medecin ou chirurgien porte tiltre de ministre & ayde de nature, & que ces actions soient de preuoir & obuier aux symphomes ou accidens futurs, il faut aussi qu'il s'employe a pugner & exterminer ceux qui sont conioinctz & alliez avec la blessure: & consecutiuelement qu'il reuocque & restitue de tout son possible le passé, qui est de la disposition, & armony de tout le corps, avec l'entiere & parfaicte proprieté de la partie offensée: ayant tousiours lœil sur les voisins desdites parties, & principalement ceux qui ont colligence a icelle. Et au cas que le chirurgien soit appelé du commencement, son principal faict est de s'efforcer de tout sō pouuoir a ce que lesdites parties affligées soient roborees, maintenues, & conseruées en leur estre, & temperament, se souuenant du mauuais ordre tenu par vn disciple de Tescalus, sur la personne

de Theagenes philosophe, lequel estoit mallade d'ũ flegmon au foye. Partant celluy qui desire paruenir a telle fin doibt s'estudier de congnoistre l'vsage & pratique des medicamens tant simples que cõposez: lesquelz par seure experience ont esté recog nus estre pourueuz, outre leurs facultez communes d'vne proprieté & puissance roboratiue, erydente, & coferuatiue des membres & parties organiques de l'homme. Ce que j'espere en ce chapitre suivant declarer & le plus succintement que faire sera possible.

TRAICTE DES VLCERES.

COMBIEN que mon intention fust en nostre premier project scullement traicter des playes & affections qui arriuent par causes externes & principalement en l'exercice de l'art militaire, nous auons neantmoins consideré estre chose tres necessaire de traicter des vlceres, tant pour ce que ceux qui font profession des armes n'en font exẽps, que pour l'vtilité que nous en ferons sortir declarãt l'ordre & moyen d'en pratiquer la cure, seruant aussi a la poursuite de toutes les matieres dont nous auons parcy deuant parlé. Or pour euitier le tiltre d'ignorant, & ne point tomber en obscurité rendãt plustot ce petit traicté confus que clair, & facile suyuant la façon de faire de tous ceux qui ont voulu laisser enseignemens de leurs labeurs & profession. Il est trop plus expedient & necessaire que ie com-

mence par la definition de la matiere proposée. Definition d'oc comme dit Aristote, c'est vne oraison, laquelle declare & exprime entierement toute la nature & essence de la chose que nous voullons de finir. Partant nous donnerons la definition d'vlcere, & suyurons Gallien ou il dit qu'vlcere n'est autre chose qu'une solution d'vmidité, ou continuité en la chair, a la differance des autres parties: car solution de continuité est vne affection contre nature, qui peut auenir en toutes les parties de nostre corps. toutes fois elle n'a pas vn mesme non en toutes icelles: car la solution des os est appellée catagina, en françois fracture & celle qu'endure les nerfs en cest endroit s'appelle spasma, ou conuulsion; & celle de laquelle nous pretendons maintenant parler, est nommée par les Grecz elcos, communement vulcere. Mais ne m'arrestant point seulement a l'opinion de Gallien, ie veux passer plus outre, & vous informer tant de l'opinion des Arabes en la definition de nostre subiect, que des modernes qui se sont estudies, & travailles plustost a faciliter la prapricque en l'eclaircissant par particulieres especes qu'ilz ont trouuées, que suiure generally la nature de l'vlcere comme a faict ce grand laborieux escriuain, or ceux qui n'ont point du tout suiuy ledit Galien, quant a ceste definition, comme les Arabes, & ceux qui ont en partie suiuy les Grecz, & les nommés Arabes ont autrement distingué: & de faict ont diuisé & traité a part les vlcères qui sont resentes & sanglâtes, & les ont pourueu d'autres noms, a sçauoir de nom d'vlcere ou playe: mesme en la definition ilz ont

adiouſté ce vocable, pour differance, faiſte par cauſe externe, comme de toutes choſes qui peuuent diuiſer, trancher, couper, piquer, dilacerer, dauantage ont adiouſté, recente & ſanglante, a celle fin que chacune definition fuſt pourueue (comme il eſt neceſſaire) de genres & differences particulieres, pour praticquer a moings de peine de l'eſprit le moyen de la cure, & attaindre le but de l'art, en plus ayſement fourniffant les choſes plus requiſes. Mais tous ont entendu, hors mis Gallien, & les aultres Grecz, qu'vlcere eſtoit vne ſolution de continuité en la chair faiſte par eroſion, en laquelle auſſi vne ou pluſieurs indispoſition empeschant la conſolidation fut trouuée afin quelle fuſt (comme nous auôs ia dit) ferrée a part d'auec la playe: ce que Gallien, n'a entendu comme il apert au, trois, quatre, cinq, & ſixieſme liure de ſa methode, ou il dict, & enſeigne la cure de toute ſorte d'vlcere Car pour toute difference, il meſt ce mot cacohete, qui ſignifie maline & cōtumace. Maintenañt donc encor' qu'a l'imitatiō de Gallien nous auons vſé de ce nom d'vlcere, au diſcours precedent, traictant de ſolution de continuité faiſte par harquebuze ou aultre instrument iettant feu, ſi eſt ce qu'en c'eſt endroiçt nous entendons diſſinir & parler des vlcères en la façon des Arabes & modernes, nous appuyant ſur la definition que nous auons ſus alleguee: d'aultant que noſtre but eſt de declarer les occaſiōs qui empeschent, l'vñion, & conſolidation de ce genre de maladie; & pource que nous auons afranchy le ſaut iuſques icy en la definition de noſtre ſubiect, il ſaut monſtrer

les causes des vlcères, & par mesme moyen l'on cognoistra les differances d'icelles. Ce qui est donc requis d'estre considéré au vlcere est l'essence, l'estre subsistence ou position, les effectz procedant de l'affection, la complication des choses anexées ou adioustées au dites vlcères. **Q**UAND a la premiere partie nous aurons cognoissance de l'essence, quād nous aurons prins indication & dilligemment considerer l'origine & source d'l'vlcere, asçauoir si elle procede de cause externe prenant garde a la nature & propriété de la matiere ou corps dont vient la lesion: cōme si c'est quelque animal qui de sa morsure ou picure ayt esté cause d'vlcere, ou bien quelque matiere qui de son atouchement puisse cauteriser, eroder ou pourrir la partie subiecte: d'aultre part si l'occasion venoit de cause interne, a raison de la pletorie ou cacochymie des humeurs, ayant esgard aussi en particulier a la disposition des membres, ou parties qui^e peuuent estre vlcerees, d'aultāt cōme enseigne Gallien, qui le vice d'iceux redonde en l'vlcere ou partie vlcérée. Quand a ce que nous auons en second lieu attribué a l'estre position, ou subsistence, nous entendons cela deuoir estre entendu & considéré comme qui regarderoit vng cube ou corps, que nous estimerions estre debout, ou de plat, droict, courbé, ou penché, obliquement, ou transuersallement: & combien qu'il semble que cela ne se puisse bonnement desioindre & separer des choses accidentalles, neantmoins nous voullons les en distinguer & separer, a celle fin de mieux faciliter & esclarcir la difference des

OFFICINNE ET YARDIN

vlcères de sorte quelles seront considérées superficielles, ou profondes: egalles, ou inegalles: cauerneuse, sineuse, ou fistuleuse: ronde, au oblique: de situation droicte, oblyque, ou transuersalle: en partie notable & superieure, ou aux extremitez & parties inferieures. Pour le regard de la differance qui peut estre a attribuer aux effectz prouenàs a raison des choses susdites, faudra considerer la qualité, consistance, & acrimonye des excremens, causant par retention d iceux, discrasie ou intemperature, phagedene, ou erosion, dureté, rareté, ou relaxation, consecutiuelement corruption, & putrefaction, selon plus ou moins complete, tant en la circonscription de l'vlcere que des parties adiacentes. Ausurplus pour le dernier chef qui regarde les choses compliquees & annexees ausdites vlcères, faut regarder si se trouve aucune tumeur occupant les parties vlcérées comme phlegmon, edeme, cressipelle, herpes, schyre, serpigo, varice, aneurisme, caryes ou alteration des parties solides. Voilla quãd aux causes & differences des vlcères qui se peuuent attribuer aux articles que nous auons cy dessus proposés: nous auons reserué celles qui ont leur condition & proprieté oculie, d'autant qu'il est requis outre vne methode rationnelle qui regarde & considere les facultez; & action des choses naturelles comme de les conseruer par leurs semblables, & abolir les choses nuisibles par leur contraire: pour aultant qu'en tel cas il faut de necessité s'accommoder de remedes qui de nature & proprieté specifique soit par antypatie, ou sympatie, ayant pouuoir d'ex-

terminer la malice & cause secrete: qui est cause qui nous a semblé que pour toucher comme il appartient ceste matiere, la chose merite d'estre traictée a part & en particulier. C'est icy le lieu ou maintenant nous auons estimé estre expedient de traicter des moyens de resister & oster la sordicye des vlceres, qui seruira aussi pour la poursuite de nos harquebuzades, ou auons promis d'enseigner l'ordre qu'il faut tenir pour les netoyer de la sordicye & excemens qui s'y peuuent trouuer: chose qui n'est de petite importance, D'autant que la sordicye bien souuent par trop retenue & arrestée au creux des vlceres cause telle putrefaction, qu'il aduient des accidens, fascheux, & cruelz, & sur tous la gangrene, consequemment la sphaselle, qui du tout occasionne de faire emputation des membres ou partie d'iceux: qui est œuvre certes qui esbranle de telle sorte les blesez, que bien souuent ilz en trebuchent a la mort. Et pour autant que la pratique de detersger ou mondifier est quelquefois mal observée a raison des occurrences & actions differentes, i'ay trouué bon en cest endroict auant que de toucher des matieres ou medicamens par lesquelz nous detersgerons de desduire la principale partie des causes & differences de sordicye. puis la difference des detersifz, consequemment comme ilz doiuent estre appropriez selon les differentes intentions. Or supposant la consideration & congnoissance de la sordicye venant de cause generale & vniuerselle, scauoir de la pletorye, & cacochimye de tout le corps, ioinct la mauuaise habitude, ou indisposition d'une

ou plusieurs parties principales, avec aussi le moyē d'y remedier tant par euacuations vniuerselles que par corrections & rectifications des humeurs, & masse sanguinaire, avec la roboracion & restauration desdites parties principales: Nous disons que l'imbecilité de la partie vlceree prouenāt de la blessure qui est accompagnee de douleurs, faict que le suc ou aliment ordonné & préparé de nature, pour la nutriçiom de la partie affectée ne peut estre simile a ladite partie, & partāt se tourne en excrement, lequel excrement n'estant nettoyé, & separé en temps & lieu s'incrassē & espeffit selon plus ou moins, comme la fuye se forme a la cheminee, & par viscosité adhère aux parois des vlcères, aydant a ce, la qualité nonnaturelle des parties ou mēbres blesez.

O V T R E plus l'estrange intemperature, nommement l'excessiue chaleur & humidité faict que la matiere & substance de la partie conçoit vne disposition pourrissante qui soudain corrompt, altere, putresce, & donne feteur a l'excrement: ce que voyōs bien souuent estre faict par la picqueure, & morsure des serpens, & autres bestes veneneuses: ou cōbien qu'il semble n'y auoir quasi apparāce de matiere, neantmoins la partie contient vne propriété & qualité putrefactiue: l'exemple de ce cy se pourra voir aux vaisseaux qui ont reçu l'impression de quelque odeur puissante soit bonne ou mauuaise, car encores qu'on vuyde la matiere y cōtenue. Neantmoins si est qu'on y aura versé autre matiere ou liqueur, & qu'elle y aura tant soit peu reposé on la trouuera alterée & corrumpee cōme deuant: ainsi

ainsi veulx ie dire, que quelquefois par cause interne & externe, les parties vlcérées tombent en vne habitude putrifiante, qui engendré vne sordicie fœtide & mauuaise. Ausurplus la relaxation, & trop grande rarité de la partie, ie dy le siege de la playe faict que comme eponge bien tost & aysément s'imbibe & s'emplist, aydant a ce l'excessive humidité des parties superieures & circonuoisines, comme celles qui s'ot affectées de varices. Voilla troys choses & differences locales de sordicye : or tout ainsi que nous auons produict trois causes, nous auons deliberé pour l'abolition d'icelles de constituer icy trois sortes de deterfions, la premiere desquelles se fera par cause materielle : la leconde par causes essentielles : & la tierce par causes accidentelles : pour declarer nostre intention sur chacune desdites differences apres auoir supposé ce que nous auons constitué en premiere espece, sçauoir vne playe ou vlcere auquel soit veu vne sordicye compacte & adherente au parois d'icelle, a raisõ de quoy elle requiert deterfion : nous disons que telles affections requierent vn mondificatif ou deterfif, qui à raisõ de son corps ou maniere, substraiet, destache & netoye la matiere sordide & impacte a ladite playe ou vlcere, soit en l'attachant en son corps mesmes, ainsi que nous voyons la poix ou le gluz apprehender & attacher a soy la poussiere la paille, la plume, ou autre corps : ou bien en lubrifiant, dissouldant, & liquifiant ainsi que l'eau dissout la terre, & la colle : & ainsi comme les matieres grasses & oleagineuses dissouldent la cyre & les gommes. Sur ce propos ie ne veulx passer plus outre

sans toucher en cest endroiēt l'occasion pourquoy plusieurs matieres grasses vr̄ctueuses & oleagineuses sont employées a la deterision, veu que Gallien dict qu'elles se iournent en boue & sordicye, ce qui est tout certain: toutesfois nous experimētons iournellement que les choses de consistance oleagineuses donnent grand profit & vtilité, & aydent merueilleusement a detacher les matieres sordides: car tout ainsi qu'elles empeschent la colle de conioindre deux pieces de bois, tout ainsi peuvent elles empescher par leurs corps la coherance, & compactiō de quelque humeur grasse, & visqueuse, en lubrifiant la partie, & en liquifiant, & dissouldant la crassitude de ladite humeur. Mais pour plus d'assurance, telle substance oleagineuse pourra aysement recepuoir vne puissance mondificatiue par vne impression qui si fera si on y adioust quelques ingrediens ayans faculté de deterger: ce qui est monstré mesmes de Gallien au troisieme de sa methode.

TR A I C T O N S maintenant du moyen de repugner a la sordicie par la deterision qui se faiēt de propriētē essentielle: nous auons ia dit que l'excessive chaleur & humidité causes efficientes & materielles de putrefactions, faiēt que les membres ou parties bleesées conçoient vne propriētē putrefactiue qui pourrist soudain la matiere ou aliment destiné pour elle: & ce tant par cause tant interne que externe. Maintenant declarons quē telle corruption est empeschée & surmontée par medicamens & matieres de propriētē incorruptibles au regard d'autre qui en corrigeant l'inteperature & desechant lu-

midité superflue des parties affectées imprimant en icelles vne faculté ou propriété contraire a corruption:& pour exemple de cecy nous voyons en quel temps & saison que se soyt lon euité a la corruption de la chair par le moyen du sel: nous voyons dauantage que les Egiptiens ont eu cognoissance de telles œuures, quand par l'vſage des medicamens ilz ont conserué les corps mors, les embaulmens avec choses aromatiques, comme mirrhe, cynamome, aloës, & semblables. Outre plus nous voyons a l'œil que nous repugnons a la pourriture de plusieurs simples medicamens comme racinnes, fruitz & fleurs par le moyé du sucre & du miel: par tel exemple donc nous resisterôs à la corruption des membres, avec telz medicamens, & autres dont nous ferons description. **RESTE** à traicter de la deterſion accidételle, laquelle quelquefois se fait par matiere ou medicamens dequi les proprietéz semblent repugner ou contrairer en deterſion: car qui est celuy qui prenant garde a l'ethimologie & effect de deterſion ne iuge le medicament ſtiptique, astringeant, condésatif, & constipatif, estre contraire, d'autant qu'il iugera que par telle action l'excrement est retenu & enſermé en la playe: dauantage est rendu plus incrasſe, compacte, & adherens au paroy d'icelles mais quand nous aurons remis deuant noz ieux. ce que nous auons dit de la trop grande relaxation & humidité des parties ſupperieures & circonuoisines nous iugerons & trouuerons les medicamens pourueuz des facultez ſuſdites deuoir porter tiltre de deterſif, non pas toutesſois pour le regard de la matie

re locale, & pour le temps present, mais pour le futur: car ayant inbibé & vuydé la sanie ou la playe de l'excrement qui si est formé au passé, en y appliquant telz medicamens, la partie trop relachée & trop rare se reserue & cōdense, la fluxion est en partie repoussée & empêchée, les ports ou mēz trop dillarez & ouuerts, sont rendus plus engoustes & contipéz: & par consequent trouuons apres nostre playe sanie & vlcérée moins molestée remplie de fardicie & qui plus est bien souuent par telz medicamens les parties trop debilles sont corroborées par quelque faculté essentielle dont il sont pourueuz.

*DES VLCERES OV CHANCRES
des parties secrètes.*

COMBIEN que nous ayons fait entendre le subiect de nostre cōception & dessiaing, nous auons neantmoins considéré, apres toutesfois auoir esté stimulés par aucuns freres & compaignons de l'estat, qui nous ont remonstré que ce traicte ne se deuoit taire ny se fermer, sans ramenteuoir aux chirurgiens qui suyuent les troupes les vlcères qui aduenient a la verge, & autres parties secrètes, qui vulgairement se nomment chancres: a raison qu'il se trouuera peu de troupes qui soient exemps, & defournye de telle marchandise: a. ssi a celle fin que nostre boutique ne fust trouuee manquée & despourueüe d'aucune matiere necessaire a telz lieux. Pour satisfaire a nostre deuoir nous auons bien voulu declarer en cest endroit, ce que nous auons cogneu, & qui doit estre pratiqué sus telle matiere. Premiere-

ment, nous arresterons que telz vlcères sont de nature aucunement differente de celles dont nous auons par cy deuant parlé, tant a raison de la cause contagieuse qui aduient par copulation charnelle par le moyen d vne reception & atouchement, d vn virus & matiere corrópue & veneneuse qui putresce & erode le lieu & partie de son atouchement qu' aussi pour la disposition desdites parties, qui de leurs naturelz par trop humides & excrementieuses sont pour ses occasions aussi subiectes a concepuoir lesdites indispositions : de sorte que tout ainsi qu'on voit les matieres ou medicamens qui de leurs quatriesme faculté ou exreniré de degré ou qualité elementaire comme les vesicatif, septique & escarotique, ou bié les venins ou poisons qui apres estre quelque tēps apposes sus quelques mēbres sont par oistre leurs actiōs, estans reduicts de puissāce a effet, par le moyen des espritz & challeur naturelle: tout ainsi est il du virus ou excremēt cōtagieux, lors que par exalation ou apposition & atouchement, il s'impriment sus les parties susdites. C'est pourquoy il est expedient & necessaire de rendre l'ulcere. & partie vlcérée voire bien souuent tout le corps exēpt, & priué dudit virus, le chassant par antydote y repugnant par faculté contraire. Mais d'aultant que nous n'auons icy entrepris de passer sur telle brizee, n' toucherons seullemēt en passant l'ordre qu'on doit tenir a la cure desdits vlcères ou chācres. Le pl^r seur donc supposant tousiours les choses vniuerselles, sera des le commencement d'estaindre & exterminer le virus ou matiere qui a son siege, & aura fait

tache qui pulule & multiplie petit a petit selon
 plus ou moins: & pour ce faire faudra souuent ablu-
 er, & nettoier tout le membre, ou partie vlceree,
 avec liqueur ou decoction faict avec agrimoyne,
 sentaure, marube, aristoloche, tenacete, mente, gre-
 que, sinon qu'il y eust trop grande inflammation:
 car en ce cas, au lieu des simples sùldits, faudroit vs-
 er de ligustre, epine-vinette, chenure, fœille morelle,
 plantin, vlmée, clymenon, & semblables: ce faisant,
 faut se garder d'apliquer sur le corps de l'ulcere au-
 cuns medicamens stiptique ou astringeans, iusques
 a ce qu'elle soit mondifiée, ou que ledit virus ou ex-
 cremēt soit du tout separé de l'ulcere, car cest ce qui
 deçoit & abuse le chirurgien: pource que pensant
 oster l'excrement, & mondifier telz vlcères avec
 deterfis stiptique, cela est cause que ledit excrement
 demeure opiniastre, & adherte, a raison qu'il est pl^r
 incrasse, dont il est impact, & adherant aux parois,
 & fond de son siege. Le vray but & principal point
 consiste en laabolition dudit virus: ce qui se fera, si
 au commencement de la cure l'on applique sur le
 corps de l'ulcere poudre de Mercure, ou la liqueur
 dudit mercure, qui soit extraicte & corrigee comme
 il faut: la liqueur de plomb profite aussi beaucoup
 mais fustout pour aduancer promptement, l'huile
 de souphre doit estre respectee: celle de vitriol ne
 doit estre en tel cas delaissee. toutes lesdites matieres
 se doiuent methodiquemēt apliquer avec correctif
 & medicament conuenable, les assocoyant de quel-
 que autre liqueur quant la necessité le requiert: cō-
 me eue de morelle, de bethoyne, d'vlmée de li-

gustre, clymenon, nymphe cerfœill, & semblables. Apres que l'ulcere sera deschargée, & qu'on pēsera q; la malice sera séparée, faudrayser de quelque mondificatif composé d'aloys, suc de marube, d'ache, de celydoine, aristoloche, ou autre de semblable propriété : puis la mondification faicte, faudra praticquer l'vsage des dessicatifz & epulotiques: entre lesquelz on viera la pouldre faicte d'escorce d'oxisachante, ou espine vinete, la tuiye, le plomb bruslé, seruse, coquille d vitre calcinée, calcitis, terre sigillée, le tout en poudre, ou reduict en vnguet ou en emplastre ce trouueront fort propre, l'eaue alumineuse, & autres eaues metaliques ont beaucoup de puissance en tel cas : entre toutes celle de plomb & de mercure, & celle qui se tirre de litargue. Voila ce que i'ay bien voullu dire en passant pour la pratique des chancres ou ulceres des parties secretes.

TRAICTE COMMUN DE LA Curation des Playes servant
pour toutes les parties du subiect.

PVIS que iusques icy nous auons en partie fait entendre nostre desseing entrepris pour l'ordre deu a la pratique & cure des playes, principallemēt celles qui se fōt par les bastōs, a feu, & aussi que nous auons faict discours sur les reigles qu'il faut tenir & obseruer en la differance des parties ayāt traicté des playes de la teste, & du ventre tant superieur que inferieur, a celle fin de facilement enfanter & faire voir nostre conception: nous auons reserué pour la closture de nostre petit liuret ce qui generallement

doit estre respecté, tenu, & seu pour le maniemēt & accomplissement de la cure desdites maladies. Maintenant pour te dire & faire entendre le reſta-
 blissement & restitution de la ſanté requiſe a telle
 affection; ie te veux donner cognoiſſance, premie-
 ment, de deux façons, dont nature la diuine meſna-
 gere gouuerne noſtre corps: que ſi ce n'eſt choſe
 entendue d'un chacun, comme la choſe nous touche
 & le proffit public le demande. Neantmoins n'eſt
 pas moins vtile a tous ceux qui deſirent pratiquer
 la chirurgie naturellement. Car combien que le me-
 decin ayt pour ſon ſubiect (côme dit le philoſophe)
 vn corps materiel, ſans en ſortir (ce qui eſt vray) &
 qu'il ce fourre pour ſ'acquiter de ſon deuoir iuſ-
 ques aux cauſes & ſimptomes dependans des ma-
 ladies, toutesfois eſt touſiours attaché a la matie-
 re, encores qu'il recognoiſſe quelqueſois les aſtres
 premiers & ſimples, ſi eſt ce que iay delibéré de
 t'informer en ce preſent petit diſcours, comme na-
 ture beſongne en nous par vne vertu admirable &
 ſupernaturelle: laquelle comme ie viens de dire, eſt
 neceſſaire de ſçauoir a tous chirurgiens qui ſont
 profeſſion d'icelle a lacquiſt de leurs conſciences.
 Tu arreſteras donc en ton eſprir qu'en chacune par-
 tie de noſtre corps y a deux vertus, ou proprietez:
 l'une elementaire qui eſt aſſez cogneue meſmes des
 aprentifz. L'autre que nous deſirons toucher & in-
 former, ſans laquelle il eſt bien mal poſſible t'auan-
 cer & l'entremettre a la correction des diuers acci-
 dens qui y arriuent & icelle vertu eſt congneue par
 ſes œures que nous voyons a l'œil: & ne pouuons

recognoistre autre cause d'icelle, sinon qu'une or-
 donnance de telle volonté par son premier auteur,
 imprimée & engrauee au lieu a l'instance de la ge-
 neration, disons doncques qu'en chacune partie de
 ses deux vertus reluisent par nature. L'une par la-
 quelle elle attire, retient, cuyt, & repousse dehors:
 l'autre qui faict qu'elle engendre, assimile, altere,
 a sa propre forme & substance, qui est comme aux
 os ossifique, aux nerfs neruifique, en la chair carni-
 fique, ainsi des autres: icelle vertu n'est autre que la
 generative de Gallien, de laquelle n'a sceu cōpren-
 dre la cause & celle d'Aristote. **Q**ui pourroit dō-
 ner raison de la generation formelle & materielle
 des plantes, metaux, mineraux, & autres corps,
 quand l'on vient a considerer qu'une pareille place
 de mesme matiere & estoffe concepuoir routesfois
 & produire plusieurs corps differens l'un de l'autre
 en figures formés, qualitez, & proprietes sans y
 considerer vne idee essentielle, & formatrice de la
 chose engendree: tel exemple est facile a voir au pui-
 z & vielles murailles, qui sur mesme estoffe ou ma-
 tiere se produit & raporte en un endroit du coterax,
 en un autre du politrique, en l'autre du philitis ou
 lague de serf. C'est pourquoy j'ose bien dire en pas-
 sant, que ceux qui ont trauaillé a donner raison des
 causes de la generation des corps, ou matieres oul-
 tre, & contre nature, nommement de la procreatio-
 des carcules, ou pierres aux rougnons, ont donné
 fort peu de pied, force, & appuy a leurs raisons,
 quand apres auoir assigné la cause materielle aux
 humeurs engendrées de l'aliment, ilz ont seullemēt

dit la cause efficiëte, estre la chaleur immoderée des reins sans toucher de telle vertu ou propriété. Car sans l'idée, & propriété spécifique, telle generation ne se feroit, non plus qu'on ne la voyoit faire en certains lieux, encores que la matiere y soit contenue & arrestée: & telle vertu & propriété t'auons voulu faire & représenter double: a sçauoir vne particulière en chacune particule du corps, comme i'ay dit l'autre generale dependente de l'economie & gouvernement simbolisant avec l'accort & harmonie de routes les parties du corps ensemblemēt. I'ay voulu te dire cecy expres afin de te faire iouyr du fruit de mon intention. Tu as donc a sçauoir qu'il aduient que quelquefois ceste puissance ou vertu est en dormie, quelquefois alterée, & corrompue de sa propre forme, ou bien est du tout abolie & esteinte.

Ie dy que quelquefois elle est veue endormie & assoupie: cela aduient par estre tenue enfermée & emprisonnée par trop grande abondance de matiere, soit bonne ou mauuaise, occupant son lieu ou siege: ie dys aussi qu'elle est veue alterée & corrompue, cela se faiët par propriété autre, du tout contraire, & repugnāte a son essence forme & idée. Dauantage quelquefois elle est trouuée menque par decadēce d'vne vielleſſe ou apourriſſemēt d'elle meſme. Ie te prie (lecteur) d'embrasser tout cecy pour le rapporter au point ou ie pretens te mener, & que tu aye ſouuenance, que quand tu as quelque partie bleſſée, & que tu n'admenes rien en la cure encores que tu n'oublie rien touchāt l'art, de prādre, voir, & conſiderer de combien telle puissance

ou vertu est esloignee de son estre, & estat naturel, soit carnifique, ossifique, neruifique, & autres tant similaires que organiques. Or tout ainsi que nous t'auons rendu ceste vertu viciée par troys façōs, tout ainsi faut il que nous traiçtions troys moyens pour y subuenir. Quand donc tu auras congnoissance, que ceste vertu est aucunement endormye, ou comme i'ay dit detenuee prisonniere par superfluité d'aliment ou matiere excrementeuse, tu emploiras tous moyens de la deliurer, en ostant arriere ce qui luy est obstacle, closture, ou fardeau, pratiquant la voye ou methode commune: c'est assauoir en euacuāt resouldant, esuaporant, consommant, desseichant, tant generallement que particulierement selon l'vr gence. Dauantage si par antipatie, ou speciale proprieté, l'economie ou armonie qui est la vertu generale, ou la particuliere que iay dessus alleguée, est aucunement vitiée, alterée, ou corrompue en sō idée & forme, certainement en oultre-passant les voyes communes, il faut que tu trauailles a rechercher & pratiquer l'vsage des corps & matieres, qui par proprieté oculte & specifique respondent a telle simpathye, & par puissāce metaphisique. Ou en cest endroit (lecteur) tu t'arresteras pour considerer comme nature en plusieurs & diuerses choses nous en faiçt cognoistre des admirables & indicibles experiences: qu'il ne soit vray, qui est ce qui peut rationnellement parler de l'inimitié du lion & du coq: du loup & de la brebis: des chiens aux lieures, & autres bestes sauuages: du choux & de la vigne: du sang de bouc au dyamant: nous pouons

aussi amener le mercure, le gaiar, leſchicq & la ſal-
 ceperelle contre la verolle. Bref ne voyons nous pas
 par experience certaine, que pluſieurs phar-
 maques ou corps deletaires, ſont ſurmontez vaincuz, &
 deſtruiſtz par les alexipharmacques. Maintenant
 doncques pour le troiſieſme chef qui conſiſte en
 vne debilité defaillante & apouriffement de la ſol-
 dite vertu, tout ainſi que par antipatie toutes parties
 & membres du corps peuuent recepuoir incom-
 modité, auſſi par ſympatie elles peuuent eſtre enrichies,
 reſtaurées, voire quaſi reſſucittées ſi ladiſte vertu
 n'eſt totallemēt eſtaincte. Car celuy qui eſt auteur
 de toutes choſes & qui commande, & qui donne
 le gouuernement a ſa ſeruante nature vigilante, &
 prouide, apres luy auoir donné commencement d'a-
 uoir ſoing ſur ſes œures crees, elle a eſté ſongne-
 ſe de preparer cōtre tous accidens ce qu'il faut pour
 leur deliurance, & contrariété. Et peut on bien di-
 re qu'il n'y a rien de crée en ce monde, qui n'ayt ſon
 contraire, & quant & quant ſon amy: voyons l'ex-
 emple de l'aymant & du fer: de l'ambre, & de la pail-
 le, & pluſieurs autres. Et voilla les principales ra-
 ſons, pourquoy il faut que celluy qui entreprend le
 myniſtere de nature humaine, & qui ſingere de la
 voulloir reparer en ſes imperfections & accidens,
 face dilligence de rechercher, & cognoiſtre les ma-
 tieres, ou medicamens qui diuinement ſoient pour
 ueuz de propriété ſpecificque ſimbolifant, & ayant
 mutuelle concordance aux membres & parties de
 noſtre corps tant organiques, que ſimilaires: choſe
 qui ayant eſté enſeignée de mains en mains, par da-

me experience, iusques a paruenir a la cognoissance des anciens sages scrutateurs & obseruateurs des merueilles de ceste laborieuse gouuernante afin de les signaler, & leur donner marque & enseigne pour la posterité. Ilz ont pourueu telz medicamens de denominations respondantes aux membres ou ilz sont veuz auoir affection ou concordance par mutuelle sympathie: les nommant ou cephaliques, nephritiques, ystericques, & autres. Au surpl^s qu'ad aux membres similaires, c'est chose non moins assurée, que chacun d'iceux ont leur propre conseruatif, restitutif, & restauratif. Et voyci le poinct (lecteur) ou i'ay promis t'amener, afin de te metre deuant les yeux ce que tu dois rapporter a tes sens, pour la refferer a la cure de toutes playes, non seulement celles dont i'ay parlé, mais aussi de celles qui se font aux extremittez, & en toutes parties de nostre corps. No^s disons donc qu'il faut recognoistre pour chacun membre, partie, & particule, estans medicamens qui d'une vertu speciale donnent secours, & aydent lesdites parties a se reintegrer: & d'iceux aucuns ont esté nommés vulnéraires, ou curatifz des playes: les autres sont dictz anthidortz, ou allexiteres, les autres sont dictz propres conseruatifz, corroboratifz, & restauratifz. Quand aux vlcères, afin de satisfaire a nostre dessein & promesse, & donner voye pour paruenir a la cure des playes, encores que nous ayons faict vn petit iardinet ou nous auons delibéré faire descriptiō des plus necessaires & principales plantes seruans a la curation des vlcères nous auons bien voulu produire aussi ce que nou,


auons cognu, & dequoy nous nous tenons bien experimētés. pour estre chose qui doit estre respectée: arrangeant les iugrediens & matieres recongnees de tous bons praticiens pour la roboratiō & ayde des visceres, & membres organiques de l'homme: delaisant les compositions a celluy qui estāt en pratique pourra choisir telz ingrediens qu'il trouuera propre pour les accommoder: comme faiēt le bon architecte qui dispose les matieres & pieces de son bastiment, selon la proportion du plan de son siege. Non pas que nous voulliōs reiecter les bōnes compositions: mais nous voulliōs bien dire avec plusieurs gens de bien medecins doctes, que nous n'approuuons pas la façon de faire de plusieurs du iourd'huy qui font vne medecine fantastique, se suadant contraindre toutes choses a leurs receptes, qui le plus souuēt, a vray dire, ne sont que mellanges & confusions de matieres. Ce qui du tout repugne a ce que les anciens, comme Hypocrat, Dioscoride, Gallien, Pau! Theophraste, Oribase, & autres ont tant curieuse ment recherché & elaboré, lesquelz quand ilz ont esté contrainctz de dresser quelques compositions, se sont fort bien donné de garde de rien faire de confuz, ny de corrompre leur basis ou fondement: mais ilz sont veuz les associans de leurs crainctif, avec le correctif, requis selon la necessité.

separando

Ex. 2. m. 2. m. 2.


LES INSTRUMENS DE LA
boutique militaire.

Coustures seches.



Rasoir pistori.

Sondes



De Vignac F

Pied de Griffon.



Rugine.




Rapina.




Aneau ou lancette.



Lancette, Rasoir ou cousteau courbe.




Dilatatoire courbe.



F. iij.

Dilatatoire.




Dilatoire incisif




Bec de Cane.

Sizeaux.




*Depuis 2 ans
C'est à dire
2 ans*

Speculum matricis.




Speculum matricis.



Bec de corbin.



Tire balle.




Autre bec de cane.




Tire bale ou
bec de lefart.




Dilatatoire ouvert,




Tenaille incisive.



ventouse.



flammettes.



Sizeletz.




Sizeau.




Tenalla





Scarificatoire




Pource que la contemplation des instrumentz de chirurgye qui ont aparence manifeste de trancher, ou picquer, donnent horeur, & crainte aux languoureux, qui sont en necessité & attendat leurs effectz & que le scarificatoyre faict en forme de boîte avec roues tranchantes, inuenté & mis en lumiere depuis peu de temps donne apprehension, & peyne au patient, aussi tot qu'il est apposé sus la partye & deuant qu'il soit desbendé, ne voulant reicter l'inuention a cause de son abilité & promptitude


iay basti cestui cy ayant ces roues retirées au fond
 estât bandé & portant vn faux fond de couuerture
 avec passage subtil pour chascunne roue trenchâte
 & pour faire que les roues pussent penetrer a la dis-
 cretion du chirurgien, iay posé vn cercle par dedās

Fond de scarificatoire

la boite en son




Cauteres diuers.



G f


Cauteres diuersi



Au tre rasoir pistori.

Rugine.

Seringue




Tire fond.



en son extremité lequel en forme de vis se peut ad-
 uancer plus ou moins par le moyen d'une pointe
 d'espingle ou pareil instrument, tellemēt que ledit
 scarificateur bendé a son relachement faict tout a
 coup vne action double aduençant ces roues & les
 virāt pour couper le cuir & partāt ne sera veu chose
 qui puisse esmouuoir crainte & apprehension mesme
 si ledit instrumēt est bien proprement fait il seruira
 de ventouse.

Canules d'argent



Trepane



Cautere



Autre dilatatoire.




Eleuatoire.




Speculum oris.



Constrictors seches.



Eleuatoire à trois pieds.






pane exfo-
liative.



Tire fond.




Trepane entier.




Cantere.

Creste de coq.



Cautere.

Bec de corbin renuerse.



NOVS auons doncques au commencement de
 ce traicté monstré que la premiere intention
 de chirurgie consiste en l'abolition des choses estrâ-
 ges: & si auons parlé du moyen & monstré les prin-
 cipaux engins, ou instruments seruans a telle execu-
 tion. Maintenant il m'a semblé que ie m'oublerois
 grandement de passer plus outre, sans discourir des
 principales matieres estranges, & ennemies de na-
 ture: a sçauoir des substances & matieres veneneu-
 ses pource que souuentefois il eschet que les playes
 sont complicees de venins, ou poisons pour estre
 faictes de la morsure, ou piccure de quelques bestes
 veneneuses: quelquefois aussi par la rage & malice
 d'aucuns hommes du tout ennemis de leur genre,
 qui estiment empoisonnant les corps, & matieres
 desquelz ilz veullent toucher leurs ennemis: & non
 que ie veuille dire que cela se face d'ordinaire aux
 guerres, ny que les playes des harquebuzes soient
 empoisonnees: Mais toutesfois il ne faut negliger
 telles playes, pource qu'elles admenent quelques-
 fois par les moyens que nous auons dictz (comme
 plusieurs l'ont experimenté) Et par ainsi le chirur-
 gien doit estre bien versé & instruit a la cognoissan-
 ce de plusieurs simples compositions alexipharma-
 ques, a celle fin de resister, & dompter la malice des
 venins ou poisons, tant ceux qui pechent par vne
 excessiue qualité elementaire qui surmonte la tem-
 perature des membres en suffoquant les espritz &
 chaleurs natutelles, que ceux qui agitent par vne a-
 patie


apaisie, ou occulte propriété. Par ainsi auons delibere faire vn recueil, & rediger, par ordre les principales plantes seruans a tel effect, lesquelles mesme pourront estre bien souuent trouuee par le chirurgien en marchât par la cāpaigne en la suite des troupes pour s'en accommoder : & assure que celuy qui sera bien entedu & exercite aux simples, & principalement aux plantes dequoy nous traictons, fera chose grande a l'honneur de son art, & vtilité des vlcères ou blesez : & non seulement en vsant d'icelles commixtionées & meslées ensemble avec aultres ingrediens, mais simplement, comme il sera enseigné par le moyen de l'indication: prinse tant de la nature & propriété de la maladie. Car nous voyons bien souuent que l'experience nous apprend que l'vsage d'un simple aporte plus d'energie & vtilité qu'une composition meslée de plusieurs medicamens: comme tesmoigne Gallien, au troisieme de sa methode, se moquant d'un, qui pensoit faire vne composition pour curer toutes sortes d'vlcères, moyennant vn amas de plusieurs ingrediens. L'on ne doit aussi negliger plusieurs medicamens mis en vsage par les vulgaires, & empiriques, qui ne sont point praticquez ny approuuez en la reigle ordinaire. Car combien que par le iugement des premieres qualitez il semble qu'il soit inutile & quelquesfois repugnant a l'intentiō: si est ce que bien souuent on voit resulter, & sortir vne vertu esmeruillable, outre passant le iugement naturel: cōme par experience est monstré a la mercure, & au gayac, en la cure de la verolle. Je puis tesmoigner d'auoir veu & ap-

prins de simples personnes iusques a des femmes de
village aulcunes choses conçernans la cure des ma-
ladies tant internes qu'externes: que si i'eusse voulu
m'arrester sur les facultez elementaires des matie-
res ie n'eusse jamais iugé ou estimé qu'elles eussent
rambaré & dompté telles affections; attendu que
plusieurs braues medicamens contenuz en la reigle
ordinaire, & approuuée de tout temps y auoient
passé sans rien faire. C'est vne chose toute asseurée
que plusieurs admirables proprieté ont esté des-
couvertes par cas fortuit & inopinément mesmes
par gens ignorans la medecine. Je dis cecy afin d'o-
ster hors de la fantaisie d'aucuns vne sorte oppinia-
treté, qui est telle, qu'il meprisent & reiectent tou-
tes choses qu'on leur presente & met en auant, sans
autres raisons sinon pource qu'elles ne sont point
cōtenues eu leur dispensaire, & anthidotaire. Pour-
suyuant donc nostre but a la discretion des mieux
arrestez. Nous acheuerons nostre poursuite en fai-
sant demonstration de noz plantes.



Le Cruciata: qu'aucuns tiennent pour l'espèce de Gentiane, est estimée auoir semblable vertu que la dictée Gentiane, qui est pour repugner a toutes sortes de venins, icelle plante est tenue pour remede compétant aux esclaueltes.

2.
Angelique.




Angelique culrinée croist de soy mesme és mon-
tagnes: mais en ces lieux. l'on la seme, és jardins la
sauuage se trouue par tout és bois, près & le long
des eaus Ceste p^{te} est tenue fort singuliere con-
tre les morsures des bestes veneneuses & enragées:
mesme contre la peste: lon la peut appliquer sur
les playes complicquées de poisons: & si sert gran-
dement prinse par la bouche,



Asclepias se trouue sur les montagnes sablonneuses. Ceste plante est tenue pour bon remede contre les poisons, nommement pour les picures & morsures des bestes veneneuses.

Scorpioyde.



La Scorpioyde, resiste & donne secours: a ceux qui
sont picquez des Scorpions.

Iue artetique.



Chamepitis, ou Pins trament, Croist dedans les champs, labourez, pilé vert, & aplicqué sur la morsure de serpent profite grandement.

Origan.




Il se trouue plusieurs especes d'Origan qui sont reconnues excellentement propres a combattre les poisons ou venins tant ceux qui se trouuēt aux playes provenientes des morsures ; ou picques des serpens & autres bestes veneneuses, ou par autre matiere qui sont poisons, que ceux qui par quelque moyen sont introduictz dedans le corps.

Morsure de Diable.



Le fucifa ou morsus diaboly. Est vne plante assez frequente & commune aux tallis & buissons, sa propriété corespond assez a la scabieuse le suc de ceste plante s'aplique heureusement aux medicamens qui sont faietz pour les playes veneneuses nomme-
ment les carcinoma & charbons.

Aristolochie.



Il se peut voir plusieurs especes d'aristolochie: toutes sont recognees pour estre pourueues de propriété repugnante au venin, ou poisons appliquees tant dehors que dedans
La ronde s'applique pour tirer les matieres estranges, comme esquille d'os, & autres corps.

Valerienne.




Il se troue plusieurs especes de Phũ. ou Valeriẽne la premiere & plus grande desquelles i'ay representé au portraict combien que celle des bois soit estimée pour nostre intention & matiere subiecte qui est de resister au venin; ce que l'vne & l'autre (comme l'experience le mōstre) soit pour la piquure des bestes & morsures des animaux furieux & enragez que pour le venin pestiferé.



Elenium, ou Enula Campana, se met pour le
iourd'huy en vsage, non seulement contre la peste,
mais aussi s'applique sur les playes empoisonnées.

Imperiale.



⚔ Astrutin n'est pas estimee moindre pour combattre les venins que l'angelique elle se trouue aujour d'huy aux iardins des simplistes.



La Gentiane se tronue és montaignes, & chez les
Simplistes: elle sert de contre-poison, tant aux pla-
yes: que pour autres accidens: & si resiste aux cor-
ruptions, & pourritures des membres.

Souchet.



Cyperus, ou Souchet: est recogneu pour antidote & contraire au venin, & se pratique tant pour l'usage du dedans que du dehors.

Ocilletz.




L'Ocillet, est l'ornement des iardins, il s'en trouue
 infinité en variables couleurs, ilz peuuent seruir con
 tre tous poisons, & sont fort cardifaxes.

cardiacus morbus



Ce simple est tellement estimé de toutes nations, qu'il se trouue en tous iardins des curieux, & est re-
 çeu pour estre des plus singuliers contre les poisons
 mortelz. Applicqué tant au dehors sur les playes
 enuénimées, qu'exibé par la bouche.



Le vray Diptan est celluy qui vient de crete, on le
meët és compositions alexipharmques, & si s'ap-
plique aux pl ayes complicquées de venin.




La Scabieuse se trouue par tout dans les champs labourez parmy les bledz & auoynes, elle est fort souueraine contre les charbons pestiferés. & autres vlcères pourris de venin: elle s'aplique aussi sur les playes des morsures & picqures des bestes malines.



Sarzoucée, ou Viperine se trouue chez les curieux
simplistes elle est merueilleusement souveraine contre
le venin de la Vipere, d'ou ie pense qu'elle a pris son
nom.

Spondilium.



L'usage du Spondilium m'a esté enseigné par vng
affectionné amy pour vng secret seruant de beau-
coup aux playes complicquées de poison.




Cette plante a esté cognue auoir quelque
vertu contre la morsure & picque des serpens.

Betoïne.



La Betoïne, que les Grecs nomment: Psycrotrophon, est assez connue, elle est preservative de venin, & si le déchaïe tant intérieurement que extérieurement.



Le Semyrnum, s'approche assez de la figure d'Angelique, la semence toutesfois en est fort differante tant pour sa couleur noire que pour sa grocesse & figure, plusieurs l'estiment avoir propriete aprochante audit Angelicq.

Chamedrys.



Chamedrys, ou chenette se trouue aux môtaignes
& rochers bocageux, aucuns tiennent ceste plante
pour vn singulier remede contre la peste & contre
autres poisons.

Tormentille.




Tphaphilom ou Tormentille, se trouue aux bois
& tallis, la racynne d'icelle prouocque la sueur, chaf-
se le venin arriere du cœur, profite contre la peste,
& autre venin.

Miris.



Le Miris se trouue auioürd'huy en beaucoup de
jardins de simplistes. pource qu'il est receu entre
les alexipharmques contraire, qui resiste a la peste,
il est propre aux morsures de salâges & autres bestes.



Alium vrsinum, qu'aucuns tiennent pour le moy d'Hypocrates, autres pour le scordoprasum de Dioscoride, est mis au nombre des antidotes ou contraires aux venins, aussi ne doit estre laissé l'ail commun.



La rhue est connue de chacun & reçue pour contre-poison, tant pour le dedans que pour le dehors.

Saulge.



L'expériace de la saulge est assez arrestée, cest bien
vne plante qui doit estre honorée entre toutes. Car
outré vne infinité de vertus dont elle est douée elle
est des meilleures Alexipharmques.

Melisse



Melissophyllum, ou Apiastrum a plusieurs especes
 Ceste plante est mise és thiriaques & contrepoisons
 & s'applique aux playes empoisonnées.



Tragopogon, ou Barbe de Bouc: se sème quasy par tous les iardins d'aautant qu'il se mange, acoustré ainsi que les artichaulx. Ceste plante a quelque propriété contraire au venin.



La Pantafille, ou Quinte-feuille, croist aux piedz
des buissons & des hayes, elle est propre contre le
venin.



Adiantum ou capili Veneris croist és vieilles murailles ombragées ceste plante pillée est vtillement aplicquée sur les playes faictes par picqures & morsures des serpens.



La germandre femelle d'aucuns nommée yue musquée, se trouue dedans les champs cultiuez & delaisse sa vertu aproche de prez a celle de scordium.

L



Le Serpillum, est cogneu de chacun, il est fort
estimé entre les remedes Alexipharmques aplic-
qué tant dedans que dehors.




Poligomon: est vne herbe qui croist par tout au long des chemins, elle est fort singuliere pour la curation des playes en estanchant le sang d'icelles, & si reliste aux inflammations.

L ij.



Encores que le scordyum soit assez rare si esse que i'en ay plusieurs fois trouue en ces lieux, principalement en quelques bois humides assez pres de Noyō & autres lieux, ceste plante est fort recommandée aux anthidotes aussi l'experience en est fort antique a raison que ses effectz sont de résister contre toutes sortes de venins prinse par dedans ou complicquée sus les lieux vexe de poisons.



Philitis faulcement appelée Scolopandre, est tenue d'aucuns praticiens experts pour remede propre cōtre les venins encores que la plus part ne luy attribuent autre vertu que de restaindre le flux disenterique.

34
Pour l'experience que j'ay du Romos ou Tapus Barbatus i'ay voulu la ranger en ce lieu
comme plante dez plus necessaire en chirurgie & aussi pour l'assurance que j'ay de ces
excellentes vertus aux playes & vlcères compliqués de mauuaise propriété.





La veronique masse est connue de plusieurs pour estre assés frequente es bois & tallis l'experience a faict cognoistre outre la vertu qu'elle a de corriger le sâg qu'elle est fort singuliere pour la cure des playes tant vieilles que recentes soit en vsage de potion ou en application locale.

L. iij.



Perysteron, ou vervaine, est propre contre tous poisons & venins, & si profite beaucoup en la cure des vicerés.



L'ortye resiste aux morsures des chiens enragez,
& autre bestes veneneuses.



Le Tenerium se trouue és grans chemins principale-
ment a la riue des forestz & bois, icelluy melleé avec vin
aigre proffite grandement aux playes faites par les bestes
veneneuses.



L'unifolium est rare, toutesfois il se trouue en
etangs & bois avec le Liliū Connaliū, ceste
plante est tenue pour alexipharmaque.



L'Armoise, est plante assez commune neantmoins fort celebrée & bien renommée car outre les singulieres vertus qui sont en elle pour le secours de la matiere des nerfz & plusieurs accidens. L'on la cognoit estre bien experimentée contre les venins.



Les Violiers sont par trop communs qui les faict moins estimer ie ne pourrois chanter ses vertus sans faire vn liure entier de luy pour les admirables & quasi indicible proprieté qui se trouue c'est le tresbe nin toutesfois tres vaillant combatant des playes furieuses & autres malladies,

Marum ou Clinopodium.



Le marum ou clinopodium est vne plante qui n'est point fort cômune en son vsage aucuns le nôment mastic, elle mise entre les antidotes pour estre fort propre contre les venins.



La bourse de pasteur est fort connue, ie puis assurer auoir heureusement practiqué son vsage aux playes de la teste ou les meninges du cerueau estoient blessée & compliqué d'emoragie, & inflammation.



Aparyne cardiaca ou odorant, se trouue quasi en tous iardins, cest vne plante qui ne doit estre negligée entre les remedes alexifarmaques.

Confolde grande.



Le grand Symphitum, croist en lieu humide sa vertu porte l'effect du nô d'aultât que c'est des pre mières plâtes pour souldre & glutiner les vulceres Elle est fort propre aux potions qui se dônent pour les playes du dedans mesmes pour les fractures des os, on la peut aplicquer tant dedans que de hors.

Double fœuille.



Nous auons esté enseignez d'aulcuns bons prati-
ciens en chirurgie que l'ophris ou biffilium, est fort
vtile pour les playes ce que nous auons cognu par
experiance l'ayant praticqué tant pour le dedans
que pour ls dehors.

Pirolle.

E.



La Pirolle n'est pas fort en vſage ſi eſſe que c'eſt bien des plus excellentes plantes qui ſoit pour la chirurgie, elle eſt grandement vulneraire & ſe met en vſage tât pour les potions que pour les vnguēt̃z & emplâſtr̃s.


Sanicle.



Dyapentia, ou Sanicle commun, croist és bois
& tallis, ceste plante est tellement en yfage (& non
sans cause) les vulgaires disent en adage que qui a en
son iardin du Sanicle il fait au chirurgien la nicque,

qui a du bugle & du Sanique
il fait au medecin la nique

Consolide Moyenne.



Le Bugle se trouue quasi tousiours par les prati-
ciens asotié & conioinct avec le Sanicle. pour estre
cogneu fort propre pour la consolidatiô des playes.




Le prassium ou marubium a différentes especes
 sçavoir blanc & noir le blanc est merueilleusement
 propre pour monder & netoyer les playes & resis-
 ter au pourriture. Hypocrates ne la pas ignorée.



Encores que l'Vmée aquaticque n'ayt esté que bien peu remerquée des simplistes escriuains neâtmoins est anjourd'huy tenu en fort grande reputation pour estre grandissimement vtileaux playes principalement celles qui sont faictes par harquebuzes & autres bastons a feu.

M iijj



La Pilozelle, croist par tout habondamment il
 est de grâde & petite toutes les deux sont for vuli-
 raires tât en aplicatiô locale que pratique en potiô.

en
 le



Alchymilla Leontopodion Stellacia, ainsi nommé pour la figure: porte les facultez du Sanicle, ceste plante est fort singuliere aux playes complicatee d'inflammation il s'en trouue en estans pres de qui la terre est argileuse.



L'enpaitoire ou aygreimoine est assez congnu des praticiens elle est singuliere aux playes pource qu'elle desterge moyennēt & est incarnatiue & cōsolidatiue



La Nomullaire profite grandement aux playes
des polmons donné avec miel.

Petit Bugle.



Le petit Bugle se nomme Prunella, il est fort commun és bois, buissons, & chemins, la decoction ou suc de ceste plante recolle les playes interieures & exterieures.




Le Sanicle d'Alemagne portait cy dessus est fort excellent pour la consolidation des playes, & est mis des simplistes au rang des consolide.

Verge d'or



Le Virga aurea, est une plante assez peu connue & n'est beaucoup en usage toutesfois ceux qui l'ont expérimentée l'ont trouvée outre sa propriété dyurétique, fort singulière pour les potions vulnérables.

Langue de Serpent.



Ophyoglosson, lancea cristi, luciola ou lingula, est
des plus vulnerraires, se trouuant d'excellente vertu
tant pour les playes que pour les fractures des os &
descente de boyaux.

56 77 78
Consolide Tubereuse.



Le simphitum Tuberoson, est de propriété semblable au grand simphitum; la racine pillée & appliquée sus les playes ressent les coglutine.



Le fraizier ne doit pas demeurer aux iardins & aux bois seullemēt pour donner plaisir de son fruit mais il doibt estre porté en la main du chirutgien, pour le secours qu'il donne aux plâyes tant en potions qu'en applications topique.



Le rubea maior ne doit estre laissée a raison de sa
singuliere propriété elle se pratique avec heureux
succes aux potions vulneraires.



semerueilleuse de voir la quantité de gomme qu'elle porte en sa fleur, j'ay
congnu icelle gomme estre fort propre pour appaiser les douleurs ne-
phretique donné comme la trebentyne de Venise elle mondifie les reins & si
est fort propre aux playes des nerfs ou est besoing de mediocre dessication.

Hyéracrysanthos ou Hypocrisanthemo n'est vne
plante qui est venue des terres neuues en ceste regi-
on laquelle surmonte toutes autres plantes en mag-
nitude & grandeur considère quelle se seme tous
les ans & ne dure que quatre ou cinq mois cest cho

Petite Lunaire



La petite Lunaire est assez rare, elle est fort propre à conglutiner les playes ressenties & si les preserue d'inflammation.



Poligonatum, ou seau de Salomon, est fort propre pour consolider les playes, estant la racine appliquée dessus.



Le Clymenum, croist au bord des eaues, ceste plante est fort excellente pour la cure des playes qui sont complicquées d'inffammation: principalement celles qui sont faiçtes par bastons a feu.



Le Thabacum: venant des indes, est appellée pour le iourd'hui nicotiane ou peton, plusieurs sauēt vne certaine herbe que les simplistes tiennent pour hyochiasme iaulne pour l'herbe de la royne ou nicotiane ce qui n'est de vray, comme on congnoistra par ce portraict, plusieurs la meētant en vsage a la cure des playes.

Millepertuis.



Combien que les simplistes facent demonstration de plusieurs especes de ceste plante, si esse que nous entendons icy generalmente parler & de l'*Hypericum* & de ce qu'il nomment *Androsocemon*; il y a fort peu de gens qui ne sachent que telles plantes sont fort experimentées pour la cure des vlcere s.



La Pinpinelle est fort finguliere pour la curation des playes, elle se donne en potion parmi les autres vulneraires, & si entre aux vnguentz incarnatifz.



Le Sophya ou Taliectrum est fort frequēt en totis lieux de les quartiers toutesfois c'est vne plante qui est fort peu ēployée & mise en vsage mais ie ne l'ay voulu obmettre pour les effectz singuliers que i'ay congnu en elle pour la cure des vlcers & playes des nerfz applicuée localement,




Le perfoliata est vne plante fort propre aux playes
principalement celles du ventre & des intestins elle
se met aux potios & aux medicamēs qui sont faictz
pour conglutiner & incarner.



Le *Lilium Connalium*, est estimée de plusieurs praticiens propres pour les vulneraires. Ce que ie trouué par experience ie le metz en vsage aux potions pour les playes du ventre.




Gareyephilate, ou senemonde sert grandement
aux potiōs qui se font pour les playes de la poitry-
ne & sert pour les iniections des playes syneuses.



Le Bellis, est des plus excellentes plantes qui s'ot
pour les playes de la teste, principalement ou il est
question d'apliquer la dure mere.



Strathyotes, ou herbe millitaire de tout temps a
esté employee par les praticiens a la cure des playes
sanglantes, elle ne doit estre negligee pour l'vtilité
qu'on voit de son vsage, & non seulement en appli
catio locale, mais aussi pour les potiôs & breuages.



Azarum est mis aux potiōs vulnēraires non sans grande vtilité, principallemēt au corps cacochimes.

LE CATHALOGVE DES

INGREDIENS SERVANS POVR

l'ayde & roborations de chacuns

mēbres du corps organiques.

LES CEPHALIQUES *maux de teste*

Sauge	Calendule	Violettes
Mariolaine	Rozes	Guy de Chesno
Pynoyne	Euphrases	Anis
Anthos	Nigele	Fenœil
Thym	Stœcas	Musc
		Huile de Carabe

Bichicques ou Thorichicques

Scabiense	Politrye	Pignolatz
Hisope	Serpentaire	Iuinbes
Marube blanc	Pauot	Passulles
Tussilago	Semence de Cotton	Sebestes
Iris de Florence	Orge	Dattes
Tenesie	Amandes	Fignes
		Enule campane

maux de poitrine

Les cardiaques

Melisse	Scordium	Coriande
Buglosse	Angelique	Saffran
Ozeille	Vyperine	Ambre gris
Remarin	Orualle	Spode
Asclepiade	Hyacynthe	Terre sigillée
Oeilletz	Behon	Os du cœur des
Le bon vin	Huile de Cynamome	Cerfz

Les stomachicques

maux de stomac

Abstinthe	Poulliet	Xiloalès
-----------	----------	----------

Manthe
Cypres
Gentienne
Semirniun
Luissque
Plantain
Masticq

Melilot
Orenges
Coings
Cytrons
Mesples
Malobatrū
Aloes

Muscades & son
huile
Girophe et sō huile
Mirabolans
Gingembre
Calamus
Galingal

Les ephatiques

Eupatoyre
Adyante
Chicorée
Scariole
Teraxacum
Condrille
Pinpenelle
Fumeterre

Epatique
Chamepitis
Grande sentaure
Onblon
Cassutte
Nymphe
Berberis
Acore

Amomum
Spicnard
Macis
Poyure
Pommes redolentes
De rambou
De court pendu
De passépomme
Pistacques

no mal de rate

Les splenicques

Ceterac
Emyonytis
Asplenium
Bourache
Cyclamen
Epitim

Aristoloché
Geneste
Chamedris
Pencedanum
Felix
Polium

Clynopodium
Tamarix
Capres
Sagapenū & son
huile
Ammoniac & sō
huile

maux de rognon

Les nephretiques

Les 5. aperitilz
Les 4 semences chaudes & froydes
Les especes de saxifrage
Parietaire
Eringé
Ortyes

Erucque
Althée
Siz eleos
Pourpied

Litosperium
Gynieure
AlkeKanga
Anonis
Daucus
Violiers

<i>Verge dor</i>	<i>Terebenthine</i>	<i>Pierre indaique</i>
<i>Sang de Bouc</i>	<i>Sang de Lieure</i>	<i>Sang de regnard</i>
<i>Les isteriques</i>		<i>Pierre d'esponges</i>
<i>Sabin</i>	<i>Armoise</i>	<i>Agnus castus</i>
<i>Rhue</i>	<i>Fleur de mauue arboue</i>	<i>Origan</i>
<i>Calament</i>	<i>Garence</i>	<i>Mentastre</i>
<i>Valerienne</i>	<i>Botris</i>	<i>Anthemis</i>
<i>Geranium</i>	<i>Diptam</i>	<i>Auenone</i>
<i>Daucus</i>	<i>Lauris</i>	<i>Mirhis</i>
<i>Clynopodium</i>	<i>Azarum</i>	<i>Cypressum</i>
<i>Cyclamen</i>	<i>Calamus</i>	<i>Opoponax</i>
<i>Galban</i>	<i>Huille de Gagates</i>	<i>Sucinium</i>
<i>Cyvette</i>		

Les ingrediens, cōmuns & seruās a plusieurs parties.

<i>Bethoyne</i>	<i>Romarin</i>	<i>Violiers</i>
<i>Chicorée</i>	<i>Fenœil</i>	<i>Anis</i>
<i>Ceterac</i>	<i>Cheueux de Venus</i>	<i>Chamepitis</i>
<i>Azarum</i>	<i>Buglosse</i>	<i>Bourache</i>
<i>Ozeille</i>	<i>Bupontique</i>	<i>Diptam</i>
<i>Epitym</i>	<i>Chamedris</i>	<i>Mirhis</i>

Et simples plus par concordance mutuelle.

<i>Calamus aromaticus</i>	<i>Cyperum</i>	<i>Clinopodium</i>
<i>Rue</i>	<i>Calament</i>	<i>Origan</i>
<i>Cyvette</i>	<i>Musc</i>	<i>Ambre gris</i>
<i>Muscade & son huille</i>	<i>Girophe & son huille</i>	<i>Xilocalas</i>
<i>Huille de Karabe</i>	<i>Huille de gagates</i>	<i>Canelle & sō huille</i>
<i>Angelicque</i>	<i>Gentiane</i>	<i>Semirnium</i>

Les simples seruans a la correction & retification du sang.

<i>Pinpinelle</i>	<i>Veronicq</i>	<i>Cerfœil</i>
<i>Chicorée</i>	<i>PiloZelle</i>	<i>Bource de pasteur</i>
<i>Aigremoyne</i>	<i>Vernaine</i>	<i>Epatique</i>
		<i>O ii.</i>

Bethoyne	Cheueux de vennis	Langue de Cers
Lague de passereaux	Bon henri	Terre sigilée
Ematiste	Corail	Masticq
Saffran d'acier		Bol d'armenys

Pour la correction de la bile flauce

Rose	Violiers	Endiues
Condrille	Dens de lion	Leetues
Fleur de til	Ozeilles	Consines ou daffines
Plantain	Lymones	Cytrons
Grenades	Orenges	Nymphes
Pourpier	Fleur de seigle	Berberies

Pour la pituite.

Angelique	Romarin	Asclepias
Symirnum	Ostruction	Ameos
Ache	Anis	Fenail
Mirhis	Tym	Carthamus
Scordium	Petasites	Ireos
Tussilago	Tormentille	Charaon venie
Calendule	Isope	Mariolaine
Melisse	Sauge	Iue arteticque
Verbascule	Stecad	Marube
Tenacette	Mente	Cameffice
Fili pendule	Verge dor	Geranium
Semilax	Michoacam	Gayac
Geneste	Squine	Iesbles
Salpareille		

Pour repugner a la bile noire.

Polipide	Ceterac	Asplenium
Tamarix	Capre	Cassate
Epitim	Lene	Scabieuse
Parfiquaire	Borache	Buglosse
Mors de diable	Germandrée	Oublon

Azarum
Clinopode

Fumeterre
Iue muscat

Pasçience

Pour les membranes

Bellies
Lis de bois
Double fœille
Ligustre
Nemulaire
Prunelle

Filozelle
Perce fœille
Langue de serpent
Saulx
Pot entielle
Cheure fœille

Vernaine
Sceau de Salomō
Lunaire
Pirolle
Erniaire
Climenum

Pour la chair.

Symphite ma.
Elatine
Sanicle
Rubarbe
Apium
Ireos
Encens

Consolde Royale
Bethoyne
Tabacum
Aluyne
Panax
Sarcocole
Aloes

Consolde sarazine
Aigremoyne
Geranium
Rubontique
Marube
Oliban

Pour les vaisseaux.

La vigne
Pied pou
Plantain
Philitis
Cotilledons

Bourse de pasteur
Corrigiolle
Verbascul
Lichimache

Equicet
Atratiostes
Conisama
Langue d'eau

Pour les nerfs.

Androseniū ma
Althée
Verbascule
Ponplier
Saffran
Romarin
Grenouilles
Terebenthine

Ipericum commun.
Sopha
Fleur de pavot
Iora crisanthomon
Sauge
Tym
Poyes
Resines

Violiers
Pomme dorme
Fleur de til
Melilot
Kery
Lymaces
Gommes helen
Efforbe

Pour les ligamens & tendons.

<i>Braue urfine</i>	<i>Iue arteticque</i>	<i>Malue</i>
<i>Ebules</i>	<i>Armoysse</i>	<i>Lyn</i>
<i>Fenugrec</i>	<i>Laurier</i>	<i>Nardus</i>
<i>Yrmodacle</i>	<i>Brjone</i>	

Pour les os & cartilages.

<i>Toutes especes de cōsolide</i>	<i>Fougere</i>	<i>Ecorce d'Orme</i>
<i>Herbetainturiere</i>	<i>Aristolochie</i>	<i>Azarum</i>
<i>Escorces & gōme de pin</i>	<i>Ciclamen</i>	<i>Sang de dragon</i>
<i>Verge dor</i>	<i>Gomme de hyere</i>	<i>Subin dæusfz</i>

LIQVEVRS PROPRES AVX

PREMIERS APPAREILZ

pour les harquebuzades.

R Huille de terebenthine distillée aux bains mari lib.j. huille de mirrhe extraicte sans addition vnc.ij. huille de Karabe vnc. jf. fœilles de roses palides & blanches fleurs de pavot rouge qui vient aux bledz de chacun vne poignée. fleurs de bet oine de petite centaure de romarin de chacun ma. f. fuode climenon de scabieuse de persicaire de nicotiane de plantain de tout ensemble vnc. iij. soit faicte mace ratio aux bains ou au fumier pour en vser comme dessus.

Autre liqueur.

R Fleurs d'hipericum cueillie au temps de sa vertu lib. f. fleurs de tapfus barbatus, fleurs de betoine. fleurs de centaure, fleurs de roses de chacun vnc. j. f. soient mises dedās vn flacō de voire & soit couuert d'eau de vie rectifiée ayant le tout esté maceré iusques a ce que l'hypericum soit a semence & prest a ouvrir, faut cueillir vnc. iij. de ladite semence le malaxer & adiouster avec l'autre remetant dessus autre quantité de ladite eau de vye avec lib. f. de

larmes de miel avec drag. ij. de camphre puis faire le tout macerer dans le bain.

Sirop vulnere pour tel effect.

R Racines de ciclament d'aristoloche longue & ronde, bistorte, tormentille, diptan, de chacun vnc ii. petite centaure, millefœilles, vergedor, muguet des bois, orphris ou herbe de deux fœilles, lāgue de Sēpent, mors de diable, clinenon, pilozelle, pinpinelle, Agrimoyne, bethoine, nommulaire, hipericon, veronique, pirolle, asclepias, de chacun m. j. Le tout soit malaxé & arousé d'un peu de vin blāc, ce faict faut faire extractiō du suc avec presse & faut adiouster audit suc lib. ij. de larmes de miel & quelque liure de sucre puis faire la cuisson du sirop.

Vnguent digestif.

R Terebenthine de Venise vnc. iij. deux iaunes de œufz, poudre ou huile de mirrhe & de Carabe de chacun drag. s. bourac de Venise, poudre de mercure bien calcinée & preparée, camphre, de chacun drag. s. le tout incorporé ensemble soit faict vnguēt.

R Mirrhe lucide vnc. ii. soit dissoute en eue de vie a faute d'icelle en bon vin, la dissolutiō faicte incorpore terebenthine de Venise vnc. i s. gomme elenne vnc. s. huile d'hipericon drag. vi fus le tout faut adiouster quatre gouttes d'huile de cloux de girophe extraite par distillation.

Qui chironis opus decimo solemne labore.

Laudis ad extremum, composuisse cupit.

Temperie aptata numerandas, vinciat has res

Pondere librato, lance manūque senis.

Accipiet tantum laudis, quantum polidarius olim

Permistis harum, viribus arte decem.

*Vinea cum fructu, comitetur balsama: non qua
Barbara prepingui, cespitem terra gerit.
Sed qua vulgaris tellus comiter effert.*

*Nil toto generi, valdius esse potest
Vlmus iners fructus, cum flore papaueris agri
Et violis comitem, prebeat artifici.*

*Non florem tilie non mel, non linguat oliuam
Sit flomos finis, flosque secatis opus.*

*Cui cure hec fuerint, bis quinque prolata salutis
Dona suis prestans, arte chirurgus erit.*

VOILA lecteur ce qui m'a semblé debuoir estre mis deuant
les yeux de ceux qui suyuent les troupes pour y exercer la
Chirurgie ie ne doute pas que ce discours aussi tost mis en
lumiere recepura le salaire accoustumé qui se paye en mō-
noye de distraction & calomnie. Car ie scay bien que la
racede ceux qui ne trouuent iamais goust ny appetist en
choses qui leur sont exhibées, (tant ilz ont l'estomac mal ap-
petissé, sinō ce qui procede de leur officine, n'est pas mort)
mais qu'il est pour le iourd'huy autāt enforce qu'il fut de
long tēps, toutesfois cest dequoy ie me soucie fort peu dau-
rant que ie me sentiray tousiours plusque satisfait quand
contre cinquante mēdisans il se trouuera cinq hōmes de
bien & de iugemēt droit qui en ferōt resulter quelque pro-
fit pour l'vtilité publicq, & te prieray amy de ne vouloir
penser que iaye mis la main a la plume pour quelque cupi-
dité & pour dire des choses forgées soubz la cheminée, car
ie puis dire d'vn frond atesté qu'en ce petit discours ie ne
traite & nedy chose que ie n'aye practiqué & executé de
mes mains, ce que pourrōt tesmoigner plusieurs qui exer-
cent la chirurgie en nostre païs de Picardie, aueq lesquelz
iay esté plusieurs fois associé & par leur moyen incité de
compiler ce petit discours lequel si ie cognois estre bien re-
ceu de toy & agreable Autant que profitable au publicq, ie
m'efforceray de brief moyenāt la grace de Dieu de te pro-
duire deuant les yeux vn discours traitant de la mort, tant
en particulier qu'en general.

